

中書制誥

北省

翰苑

南省

文苑英華

三百八十一至三百九十

文苑英華卷第三百八十一

中書制誥二

北省二

給事中

授于樞謙給事中制

李嶠

鸞臺文昌右司郎中于樞謙局量宏深理識精遠幹能兼
備詞學並優會府提綱雖仔才周瑣闥待問更資弘益宜
登侍從之職以光清切之署可朝請議一作大夫守給事中

授于經野給事中制

蘇頌

門下尚書兵部郎中上柱國于經野雅量端實閑機密靜
有恒其操無擇斯言理必中於繩墨才見樞於札翰中臺
奏草已承更直之榮左曹顧問宜接雙遊之美可朝請大
夫守給事中勲如故

授李懷讓給事中制

前人

黃門朝議大夫尚書兵部郎中上柱國李懷讓直方自守
貞獨不群理可析於毫芒文可成於藻繪雖手揮繁綜而
心寄閑遠彌綸所屬嘗推起草之能駁正是司更接遊蘭
之寵可守給事中散官勳如故

授柳渙給事中制

前人

勅朝議郎守尚書司門郎中柳渙學思優博禮容莊敬蘊
公直之志有廉正之風早以聲華亟從推擇丹墀列侍必
遷英髦青闈命官宜叅顧問可守給事中散官勳如故

授褚廷誨給事中制

孫述

門下朝議大夫守練議大夫上柱國褚廷誨師臣舊茶官
序良才文儒是百行之資翰墨當一時之妙駁正為務疇
咨所難宜遷左禁之榮式允中朝之望可守給事中散官
勳如故

授裴遵慶給事中制

賈至

勅禮部郎中裴遵慶清正介直公才雅望智能利物行可
檢人今東夏務殷宰臣任重是資髦士以佐輔軒宜居駁
議之職仍領銓衡之務可給事中

授崔寓給事中制

前人

門下會稽太守崔寓識敏而周器清而直有冉季之政事
兼應劉之詞藻累昇臺省咸以才遷驟歷藩條時惟德舉
左曹樞近爰司駁正宜擇士林之秀俾叅鸞渚之榮可給
事中

授張孚給事中制

前人

勅司膳郎中張孚果行育德疏通知遠是瑚璉之良器抱
豫章之美材文以藻身屢得詞場之雋公而持操更推吏
道之能譽洽禮闈風清憲簡宜擢拜於青瑣俾駁議於黃

樞可給事中

授賀若察給事中制

常袞

門下中散大夫行尚書吏部郎中賀若察講求學術藻飾
藝文顧言行以檢身酌智能以經務任叅六典選重一時
從容管劇每識通而理當達練起草亦體大而思精聲猷
益茂公望惟允分曹殿中職在論駁尚書奏議俾爾平之
可給事中散官如故主者施行

授崔旆蕭直給事中制

前人

門下銀青光祿大夫御史中丞東都留臺崔旆峻而能通
和而有節朝議郎守太子左庶子賜紫金魚袋蕭直惟資
高朗識詣冲妙各以文儒致用貞亮處心自集處持綱憲府
必執其中贊事宮坊允歸於正彰聞望於公器振英華於
士林顧茲掖垣素用髦彥文昌奏議多所論駁俾承竝命

式副良選旆可行給事中散官如故直可守給事中散官
賜如故主者施行

授趙洵給事中制

前人

門下朝議郎檢校尚書吏部郎中兼御史中丞賜緋魚袋
趙洵純白高朗儒林表儀炳文揚彩時謂清拔早以賢良
茂異服我周行歷踐三臺之列嘗叅二陝之佐其於事典
多所措詳頃毗刑舒罷戎務近時方缺選才正難評南
宮之上書次東廂之奏事夙夜思職爾無百從可守給事
中散官賜如後

授韋諤給事中制

前人

門下通議大夫行尚書吏部郎中彭城郡開國公韋諤在
人之德承家積厚先致美以施政終秉彛以存誠朝之清
序多所階歷叅我六典冠于諸曹學以辯疑文以夾滯五

年勤職時謂淹才宜守集作侍從殿中以平臺議詔書未當實得封還官能守常事失中是有選用爾其揚之可行給事中散官封如故主者施行

授鄭覃給事中制

白居易

勅給事中之職凡制勅有未集作不便於時者得封奏之刑獄有未合於理者得駁正之天下寃滯無告者得與御史糾理之有司選補不當者得與侍中裁退之率是而行號為稱職固不專於掌侍奉讚詔今而已中大夫行練議大夫雲騎尉東陽縣開國男食邑三百戶鄭覃清節直行正色審詞集作寡言先臣之風藹然猶在自居首諫益勵謇諤擢領是職必有可觀亦欲天下聞之知吾獎骨鯁之臣來諫諍之道也可行給事中散官勳如故

授孔戣等給舍制

前人

勅渾金璞玉方圭圓珠雖性異質殊皆國寶也是故能官人者亦辯而用之練議大夫孔戣靜專貞白不涉聲利執言守事無所依違駕部郎中薛存誠廉潔直方飾以詞藻中立不倚介然風規吏部員外郎王涯端明精實加之以敏懿文茂學尤推於時竝歷踐朝行恪勤官次諫垣郎署藹其休聲宜加公獎擢在近侍左右禁闈可以同升必能評奏臺議發揚綸誥臨事有立屬詞可觀各隨所長分命以職祇奉乃事無替厥猷戣存誠並可給事中涯可兵部員外郎知制誥

授竇易直給事中制

前人

勅前御史中丞竇易直器質識智厚重開敏文合法要學通政經累踐臺郎擢司邦憲寬猛舉措甚得其中官不易方府無留事前因病免今以才遷俾升瓊闥用集作以備顧

問夫制令奏議官獄典章苟有依違皆得駁正所任不細
宜敬乃官可給事中

授崔壽給事中等制

崔嘏

勅瑣闥冠三省之高奉常列九寺之右凡所選擢必俟才
賢惟爾壽以賓延雅度早踐霜臺壽以正殿雅詞超昇省
署文雅當於題柱列郡洽於褰帷迭居貳尹之雄竝處亞
卿之列而皆本以明敏發為文學玉在涅而不緇金投火
而彌勁眷言久次一作春關既久是用僊昇我有絲綸期汝論駁我
有金石資爾諧和無叅官常自貽公讓一作壽可給事中壽
可太常少卿

諫議大夫

授薛稷諫議大夫制

蘇頌

門下中散大夫行尚書禮部郎中修文館直學士河東縣

開國男薛稷奕代雄詞身濟其美光時雅量士慕其風故
能懸帳絕倫昇堂觀奧掖垣密勿字列黃繡僊闥從容文
一作飛亦管箴闕之任惟賢是擇俾登才子式寵諫臣可諫
議大夫餘如故主者施行

授吳兢諫議大夫制

前人

黃門朝議大夫前行尚書水部郎中兼修國史上柱國長
垣縣開國男吳兢雅思周密素風清曠著書微婉東觀是
稱起草閑達南宮所重宜列諫臣之位復膺良史之才可
守諫議大夫兼脩國史散官勳如故主者施行

授尹愔諫大夫制

孫逖

門下古者署掌諫之官立司過之史所以書君舉箴玉闕
不次而授唯才是與道士尹愔識洞微妙心遊淡泊祇服
玄言弘敷聖教雖渾齊萬物獨詣於清貞而博通九流兼

勅爲川者决之使導爲人者宣之使言故堯有敢諫之鼓
誹謗之木此其所以聖也楚靈称凡百箴諫吾盡知之無
佛吾慮此其所以敗也朕嗣守鴻業時方艱難實賴有位
之士匡其不及故注意諫臣必求諸道關內鹽河判官暢
瓘願貞養正精潔惠和有質直而無流心秉忠信而持謹
議頃歲去職晦跡丘園愛其身以有待養其志以有為厥
德不回允諧司議可兼諫議大夫餘如故於戲宮之奇懦
不能強諫春秋以為之失常戒僖伯繼論納郟鼎君子稱
必有餘慶予違汝弼汝無面從

舊唐書有暢瓘傳
嘗為諫議大夫

授王延昌諫議大夫兼侍御史制 前人

門下古者天子有諍臣七人而事君有犯無隱故能獻可
替否從諫則聖京兆少尹知雜王延昌學于古訓秉心塞
淵以文藝之資飾幹時之器頃者彌論省闈綱紀臺憲舊
章克舉雅望攸歸貳政浩穰雖藉其條理列職規諷更思
其謹直諫大夫之密侍御史之雄爾宜兼之以匡予理可
諫議大夫兼侍御史知雜餘竝如故

授宋晦諫議大夫制 常袞

勅通議大夫檢校尚書兵部郎中兼侍御史上柱國宋晦
忠潔簡惠和而不流理暢思精適於羣務位以才達政以
禮成往者理軍岐陽贊我戎事集無此字重艱貞之操義有可懷
臺閣更拜久於清秩外掌邦賊任居其艱集作難底慎均節
以資經費事皆求當慮不及私積勞可書責實當進加以
亮直行之有恒屬諫臣之高選參髦士之乂用以匡不逮
無伏嘉言可行諫議大夫散官勳如故

授李收諫議大夫制 前人

勅書曰后德惟臣不德惟臣實賴左右前後有位之士匡

其不及天子有諍臣職在司過若有犯無隱獻可替否則曠然丕變時惟休哉中散大夫前行尚書兵部郎中贊皇縣開國男李收敏而好學文以彰之清澹寡欲不以得喪干慮往屬時難保茲艱貞事君之節足以存勸歷踐郎署率由舊章而仗雅居正可參諷議無或尸官以罔聞當灼見以箴闕也可諫議大夫散官封如故

授崔郾諫議大夫制

元稹

勅朝散大夫守尚書吏部郎中上護軍崔郾昔我太宗文皇帝以魏徵為人鏡而姦膽形於下逆耳聞於上及徵沒而猶歎過失之不聞夫以朕之不敏不明託於人上月環其七而善惡蔑然豈諫議之臣未盡規於不德邪朕甚懼焉以爾郾端愿集作厚誠明濟之文學柔而能立謙而逾集作愈命汝予式冀無過於戲宋景公一諸侯耳尚感列星集作而陳星退

之詞齊威王獨何人哉能辨日聞之侯爾其極諫無隱朕不漏言可守諫議大夫散官勳如故

授元晦諫議大夫制

李德裕

勅昔汲黯薄一作為淮陽守願出入禁闥補過拾遺則諫諍之任實資諒直我求其比今得正人吏部郎中元晦往在內庭嘗感先顧奮發忠懇不私形骸俯伏青蒲至於雪涕數共工之罪不蔽堯聰辯垣平之詐益彰文德近因旌別邪正宰弼上言以魯公蔽咎莫如寘革於左右漢后輯檻孰若剝游於公卿是用命爾登于文陛爾其副我寵擢不替初心勿沽小名以在大節勉服官業期於有終可諫議大夫

授李方右諫議大夫制等

崔嘏

勅居諫納之地副銓綜之司致予聰明適彼倫要自非端方正直之士檢身御衆之才則何以輸及雷之忠誠奉提

衡之藻鑑爾等皆擢秀瑤林飛華桂苑早登俊造共許清
貞入憲府而自疎孤標歷文昌而更光列宿分符茂績遠
繼於龔黃視草雄詞舊推於賈馬是用擢居右省陟彼首
曹爾宜徵五諫之司佐三銓之任無疑逆耳必在精心勉
服寵光益揚善價可依前件

授姚勗右諫議大夫等制

前人

勅朕高居穆清端拱思理尚慮旒纁蔽吾聰明故精求諫
納之臣投我藥石之語而天官正即地連藻鏡職佐銓衡
必資明幹之才以副經通之目以勗端方雅厚正以操心
以簡求和易周旋敏於臨事而皆富文奧學早昇俊造之
科利用長才累處重難之任是用擢於勅署置在禁垣昇
自外郎膺茲首選爾其詳求五諫左右三銓勉思及雷之
忠更致提衡之美勗可右諫議大夫簡求可吏部郎中

授董禹左諫議大夫制

薛廷珪

勅朝廷具位之臣得直言天子過失太平之基也矧司我
諫議列吾軒墀啓乃心而沃我心盡爾言而攻我過眷求
之道時惟艰哉具官董禹疊中詞科優有文藝西漢故事
甘泉遺儀聞其討論多所詳悉逮事先帝頗揚直聲徵還
周行歷踐臺閣靡所附麗能精典墳秉持公論推其材術
鄉校言乎淹恤今擢爾爲諫議大夫置朕左右勉揚厥職
往副旁求夫立肺石挹獸樽扶將顛祛未寤在履正直務
去將迎爾或推公朕豈憚改書紳銘座服我訓詞佇稱人
情勿孤朝獎可

文苑英華卷第三百八十一

登仕郎胡柯 鄉貢進士彭 贊 校正

文苑英華卷第三百八十二

中書制誥三

北省三

中書舍人

授鄭勉紫微舍人等制

蘇頌

黃門朝議大夫守給事中鄭勉措一作留心精覈尤明理體朝

議大夫尚書庫部郎中戴今言屬詞方雅深達正端咸蘊

公忠備聞學行紫闈星拱必行賢臣青闈雲連實旌奇士

專文事

中散官各如故主者施行

授崔琳紫微舍人制

前人

門下正議大夫行尚書屯田郎中上柱國魏縣開國子崔

琳素履履一作操純懿清心諒直文辭為政從之端忠孝是立

身之本分符作牧共賴仁明賜筆題工咸推練習掖垣近

密禁省旁求宜遷振鷺之行用集栖鷄之地可行紫微舍

人散官勳封如故主者施行

授王丘紫微舍人制

前人

勅通直郎紫微舍人內供奉王丘思會風雅文成典謩介
獨為操直方 近其華望自弘 青瑣事密黃

縑頡頏歲年籍甚聲聽俾弘詞禁之美宜正掖垣之秩可
守紫微舍人散官如故

授齊澣紫微舍人制

前人

勅朝議郎守給事中內供奉齊澣運心孤邁懷器獨立屬
詞每窮其雅實臨事益表其甄明故能早負聲猷備經推
擇左曹駁議常接於雙遊右掖司言佇光於五字可守紫
微舍人散官如故

授達奚珣中書舍人制

孫逖

勅朝議大夫守職方郎中兼武知制誥達奚珣文學素優
忠勤克著自經試用備聞詳密草奏南宮已擅一時之妙
掌綸西掖逾彰五字之能宜就列於即真俾正名於近侍
可守中書舍人散官如故

授賈登中書舍人制

前人

門下朝請大夫守給事中騎都尉賈登脩詞自達守道為
師有大雅之文章稟中和之德行駁正之地已著能名綸
綽之司更膺高選可守中書舍人

授梁涉中書舍人制

前人

勅朝議郎守尚書兵部郎中梁涉通名致用博雅為文才
冠特英望高人譽五字之選一臺所推宜旌起草之能俾
効司綸之職可中書舍人散官如故

授常斌中書舍人制

前人

門下國子司業常斌貞規不雜敏識雅精標麗則以工文

秉直聲而濟美久從散秩未展清才豈避姻親遂妨公用
宜得昇於禁掖俾專事於司言可行中書舍人

授李玄成中書舍人制

前人

勅朝議郎守尚書考功郎中仍試知制誥兼知吏官事李
玄成中和有裕直道自然文章為致用之資慎密是周
身之本久司綸綍深愜器能宜拜命於即真俾甄才於
試可守中書舍人兼知吏官事

授杜鴻漸崔猗中書舍人制

賈至

勅知中書舍人鴻漸等忠肅恭懿美秀而才蘊清通之理
議兼貞固之幹能用制軍誥允屬夏卿持衡審官時惟小
宰慎擇多士僉日爾諧宜當銓綜之劇仍掌絲綸之任鴻
漸可守中書舍人判武部猗守中書舍人判文部侍郎

授裴敦復中書舍人制

王丘

勅朝議郎檢校吏部郎中裴敦復等並行標純一村蘊經
通或學辯文鼠該綜兼於隱蹟或詞握靈蛇光暉映於夷
等職君要劇聲振發揮近密之職搜擇宜精俾對掌於絲言
兼聯華於省闈可依前件

授崔翹中書舍人制

前人

門下朝議大夫守給事中崔翹學行自中亦外明而
能晦簡不違謙始方蔚於文章終激揚於吏道駁議既久
要密遞遷宜自珥貂之司俾參鳴鳳之掖可守中書舍人
散官如故

授李彭年等中書舍人制

王敬從

門下朝請大夫守給事中李彭年等器業湛深風規穎秀
士林楨幹文苑英髦並綜覈前言閑習政事瑣闥駁正既
稱詳密盡省彌綸允推精練俾遷掌於綸綍咸列侍於軒

塚可依前件

授裴度中書舍人制

白居易

勅司勳郎中知制誥裴度以茂學懿文潤色訓誥體要典麗甚得其宜施之四方朕命惟允況中立不倚道直氣平介然風規有光近侍臺郎滿歲班列當遷綸閣之職所宜真授可

授崔羣中書舍人制

前人

勅庫部郎中知制誥翰林學士崔羣端厚和敏飾以文學溫良忠敬得侍臣之風自列內朝兼司誥命事煩而益密職久而彌精六年于茲勤亦至矣況小大之事常所訪問盡規極慮弘益居多所宜寵以正名式光禁職敬乃嘉命其惟有終可

授賈餗等中書舍人制

李虞仲

勅參掌宥密斧藻訓誥侍立於文摺之下揮翰於禁署之

中非第一流不在其位朝散大夫守太常少卿知制誥上柱國賈餗器範溫雅詞藻弘麗朝散大夫守尚書職方郎中知制誥上柱國清河縣開國男食邑五百戶崔咸學探奧旨文有正聲而皆公論所歸清規擅稱比美玉而光彩外溢服華組而煥耀揚輝 荀大章之才 識王濬 沖之質則損手文佇爾酌中明吾試可無使相如視草專美於前時也其懋承之餗可守中書舍人散官勳如故咸可守中書舍人散官勳如故

授李激給事中鄭涵中書舍人等制 前人

勅舉才命官得人斯重詢事考績稱職為難况駁正違失典司文誥參我密命為吾近臣非望實兼優則不在茲選朝議郎前守諫議大夫知匭使上騎都尉賜緋魚袋李激清標雅裁器韻不羣瞻學積文泉源益濬有濟人經國之術

資適時利物之才朝散大夫守尚書司封郎中知制誥上
柱國鄭丞操履堅明雄文炳蔚虛懷廣遠雅思冲深立言
嘗見其著誠秉志頗聞其經遠夫澄其源者必清其流端
其本者必正其末其便蕃禁掖潤色王猷君不可以私其
人臣不可以虛其受簡材既因於朕志當官爰俟於爾能
期有嘉聞以光茂選激可守給事中散官勳賜如故涵可
守中書舍人散官勳如故

授李訥中書舍人言大理少卿制 崔嘏

勅禮部郎中知制誥李訥等彰施帝載閎色王猷朝出手
九重夕馳於四表必資其金相玉立之器懷 蛟吐鳳之
才以發揮人文流布天澤而臯繇作士暮明以贊至理定
國持刑公平而昌後嗣使尺婦無賈霜之歎遐眈離束濕
之寃陰陽氣和手足可措必在乎理獄之官明慎用刑哀
矜守法今訥言等皆以器能犀利文彩光華演綸推倚馬
之工剖竹著懸魚之化以茲遷擢誰日不然勉吾又文恤
刑之意也訥可中書舍人言可大理少卿

授裴諗中書舍人制 前人

勅居禁密之地聞善則遷當演綸之工有勞斯陟此所以
光吾侍從榮彼搢紳翰林學士司封郎中知制誥裴諗家
承茂勳身有羶行早襲弓裘之業克隆堂構之基閑澹自
居囂浮不染自權居內署掌茲制命謹密無曠馨香有聞
問對備見其一心敏捷共推其七步况臧孫有後且聞得
鳳之音枚乘多才雅蓄雕龍之妙爰因滿歲授以正名爾
宜思弘用以致君勵精誠而正以慎爾聞見奉吾周旋無
彰温樹之名克保詞林之美可依前件

授秘書少監賜紫盧光啓守中書舍人制 錢珣

勅西省設官之重實代吾言故修禁之章漏世居其首而
稽緩次之受選者率用靖默專敏之士然後若疑作得具官
盧光啓厲精不怠處默有倫定志而靜專其謀好古而敏
求其要愒是四善謹于一心則攻學與文嘗試之於選闈
矣能於一作能散地自安素風不去乃資公論復典訓
辭夫入官惟勤執事惟敬苟視禁以無犯則立身而有章
行之克終利亦焉往可依前件

授祠部郎中知制誥賜緋王鉅守中書舍人制

前人

勅遷不款速則人將競遷而不安其職也掌誥故事多用
外郎歲滿而外乃正郎位歲又滿始得其秩所以持重官
次展張辭業有毛羽者不亦樂於翱翔手具官王鉅敏於
內而秀於外其發也為文章棲于禁垣奮以健筆若夫規

格罔有輕浮試之三年未嘗亂日且聞講學必務本根今
掌誥再遷壹如故事論諸游官於爾甚優兼佩金章俾光
飛步自茲而往厥路彌高敬而行之何患不到可依前件

授翰林學士鄭延昌守本官兼中書舍人制

劉崇望

勅以爾影纓著稱夢筆為文富以美才披其禁闥典由中
之詔咸布下之言方謂得人雅當入侍蓋聞羊祜謀議是
草皆焚周仁重厚其言不泄親近之地慎密為先爾既不
能何爽居外西省亦吾教誥之地戒之可矣可依前件

授膳部郎中知制誥錢羽守中書舍人制

薛廷珪

勅具官錢羽孟子不云虞舜聞一善言見一善行若決江
河沛然莫之能禦也朕疑神穆清眈味墳史用爾掌綸誥
時推得人觀其書詞夙絕塵滓褒貶盡春秋之要指歸決

誥詔之源流傳聞四方平視三代而秉守甚正韜藏有挫
介然獨行卓爾清峙閱爾之能事多矣聆爾之嘉猷藹然
信乎虞舜之心若江河之不能禦也俾即酢真秩斯為舊
章夫叅贊樞衡典司綸綍職業彌重扶搖漸崇勉副東求
無孤寵待中書舍人

知制誥

授庾準揚炎知制誥制

常袞

勅中大夫行尚書吏部郎中上柱國庾準檢校尚書兵部
郎中充山南集副元帥判官賜緋魚袋揚炎等詔令之重閭色
攸難其文流則失正其詞質則不麗固宜酌風雅之變崇漢
魏之作發揮綸旨其在茲乎爾各以茂才碩學敏識純行俾
其對掌可謂得人仍轉郎位式光朝選準可行尚書職方郎中
知制誥散官勳如故炎可守尚書禮部郎中知制誥賜如故

授郝昂知制誥制

前人

勅朝散大夫檢校尚書司勳郎中郝昂冲和簡朴不飾其
外有雄俊之才可變風雅有精深之學實究儒玄加以忠
敬兼之亮直率由茲道可謂正人夫化成天下在於文臣
朕不逮主於諫敷暢綸旨箴規朝闕所掌皆重爾其懋哉
可守諫議大夫知制誥散官如故

授常覲給事中庾敬休兵部郎中知制誥制

白居易

勅職之要莫先於駁正文之選莫難於司言將使朝綱有
條朕命惟允在二者得人而已中大夫使持節蘇州諸軍
事守蘇州刺史上騎都尉常覲精微專直通乎事典可使
平奏議而坐左曹朝散大夫守尚書禮部郎中上柱國庾
敬休溫裕端明飾以詞藻可使書誥命而立西序集作而

專右席

而輪轅鑿柄各適所宜夫惟刺史守列城即官應列宿選
任倚注一作寄非不榮重然吾左右前後方求正人如覲敬休
不宜踈遠亦猶有聲之玉無類之珠不置於佩服之中掌
握之上集作不置於佩服皆非其所也宜自敬重無忝吾言
覲可行給事中散官勲如故敬休可尚書兵部郎中知制
誥散官勲如故

授獨孤郁守本官知制誥制

前人

勅考功員外郎史館修撰獨孤郁為人沉實敏行寡言粲
然文藻秀出於衆累外諫列再秉史筆洎掌功論率以直
聞求之周行不可多得而掖垣近職綸閣重選俯詢特議
爾宜居之

授錢徽司封郎中知制誥制

前人

勅中臺草奏內庭掌文西掖書命皆難其人也非慎行敏
識茂學懿文四者兼之則不在此選祠部郎中翰林學士
錢徽藹然儒風粲然詞藻縝密若玉端直如弦自參禁司
益播其美貞方敬慎久而彌彰應對必見於據經奏議多
聞於前一作楚崇迨今六載其道如初嘉其忠勸宜有遷擢俾
轉郎吏仍參綸閣茲乃榮獎爾其敬承可依前件

授獨孤郁轉司勳郎中知制誥制

前人

勅考功員外郎知制誥獨孤郁學識文行時論所推選自
外郎擢居右闈綸言樞命既重且難委以發揮甚聞稱職
而端亮忠謹介然自居為臣若斯足可嘉獎官當滿歲職
亦逾年宜從美遷以光近侍可司勳郎中知制誥

授裴諗知制誥制

崔嘏

勅傳曰有功德於人者其後必大伊爾烈考勤勞王家出
有平寇之功入有致君之志式多令嗣以承清基惟爾諗

生而有文弱不好弄中蘊明敏外涵清和藹然君子之風
爵有賢人之操自擢昇翰苑入侍禁闈動必知機靜而適
道大玉之韻清鉞以長小山之姿貞芳自茂是用資其粉
澤演我絲綸斧藻方耀於鳳銜揮灑更期於鴻筆式光帝
載無鬱王猷可依前件

授考功員外郎賜緋王鉅駕部員外郎知制誥制錢珙

勅某官某夫舉典申命以進退在位之士而指其舌臧兼
儆百職者本乎聖人之法言也法言之不為浮言而已知
言之士過實必饑因使出辭當能近法鉅積中有美欲昧
而彰永惟季父今名常恐所承不以似百川學海進則至
焉吾欲激而成之是以擢居禁省往司明誥罔畔法言至
不漏不踰茲為能矣可依前件

文苑英華卷第三百八十二登社郎胡柯 鄉貢進士彭叔夏校正

文苑英華卷第三百八十三

中書制誥四

北省四

起居郎

授韓休起居郎制

蘇頌

勅朝議郎左補闕內供奉判尚書主爵員外郎韓休理識
清暢襟靈夷雅探學精微屬詞婉麗甲科對策嘗副求賢左
史記言用觀書法可行起居郎散官如故

授賀知章起居郎制

前人

勅朝議郎一作大夫前行戶部員外郎賀知章業優詞學時重
才行稟精微以高妙體仁恕以明達必能書法不隱立言
可觀宜迴職於版圖貯擅聲於鉛筆可行起居郎散官如故

授楊齊宣起居郎制

孫逖

勅朝議郎前行左補闕楊齊宣規行介立守道安貞雅致

表於文詞清標傳於緒業頃叅諫職考績已深自聞謝病
歲年滋久雖宰臣立節每避舉親而公器源才終難滯用
宜發命於中旨俾分官於左言可行起居郎散官如故

授裴綜起居郎制

賈至

勅左史記事君舉必書先王之制也晉則董孤書法不隱
楚則倚相能讀典墳善惡成敗實由其本慎擇端士永難其
人殿中侍御史裴綜緒業清純言行博敏俾之直筆庶勗
厥官可行起居郎

授崔瑤等起居郎制

崔暉

勅載筆赤墀之下掌禮曲臺之中注記行而鉛槧是資褒
貶當而措紳知懼顧茲所職豈易其人而擢備官僚亦為
佳選以瑤貞規素履紹克儉之家風以暉秀質清門承定
傾之祖德以瞻雄詞麗藻躡珠履於賓筵以景表退跡安

時寄霜華於憲一作省署我之自得爾亦薦聞各膺寵擢之榮
自有雲霄之路可依前件

起居舍人

授李太子舍人劉如玉等右史制李嶠

鸞臺朝散大夫行太子舍人劉如玉朝散大夫檢校麟臺
著作佐郎崔融等並言芳蘭正行溫珪璧或譽美銅樓或
名高石室記言之重選衆尤難宜收博辯之才俾居良史
之任並可行右史散官如故

授洪子輿起居舍人制

蘇頌

勅通直郎守著作佐郎洪子輿雅淡不羈清真自遠學探
微旨詞造幽典立心有恒常慕直臣之節書法無隱可稱
良史之才俾列軒墀益光鉛槧可守起居舍人散官如故

授崔銑起居舍人制

前人

勅朝請即前試一作通事舍人崔銑識遠心明懷才蘊藝
缺碑盡記亡篋不遺實朝序之英髦為士林之俊拔趨侍
西掖洽聞東觀期書法以無隱俾舉能而有聲可守起居
舍人散官如故

授陳九言等起居舍人制

孫逖

勅朝議郎守太子舍人攝殿中侍御史朔方節度判官陳
九言朝議郎行太常博士兼史館脩撰劉貺等清才雅
望敏學工文是周行之俊人有致遠之良具史臣之選公議
所一作歸宜并拜於軒墀俾分官於左右九言可行起居
舍人散官如故貺可行起居郎餘如故

授孔述春起居舍人制

常袞

勅宣議郎試太常博士東都河南江淮南等道轉運司判
官孔述春左右史正用第一流其選殆精於尚書郎也今

東觀諸儒皆約注記而修簡冊事之當否多取正焉以某
集作爾一作聖人之胤歷代儒首博通古訓述作可傳出入起居
期於秉直可守起居舍人散官如故

左右補闕

授許景先左補闕等制

蘇頌

勅奉議郎行揚州大都督府兵曹參軍事許景先詞舍風
雅有公直一作正一作之量宣義郎前國子監四門直講馬利徵
學摠丘墳稟亨嘉之德並士推令問人假清規致之掖垣
用廣賢路景先可行左補闕利徵可岐州扶風縣丞員外
置同正員仍直紫微省散官各如故

授楊齊宣左補闕制

孫逖

勅朝議郎前行右拾遺內供奉楊齊宣耿介不群精明有
識傳清白之素業著詞華之令名達禮云終外除將久宜承

密命更列近臣可左補餘如故

授薛兼適左補闕制

常袞

勅朝請即前行萬年縣丞薛兼適兄弟致美士林推重詞
清行潔政以翰稱在煩劇而有餘守貞方而不易文章侍
從朝夕論思參我諍臣以箴朝闕可行左補闕散官如故
授辛丘度工部員外郎李石可左補闕李仍叔
可右補闕等制
白居易

勅朝散大夫右補闕內供奉飛騎尉辛丘度等朕詔丞相
求方略忠謹之士置于左右而播等以石暨仍叔應目塞
詔言其為人厚實審直常集作以文行謀畫從容於幕府
之間臨事敢言當官能守可使束帶同升諸朝又言丘度
介潔靜專不交勢利益加推一作擢獎以勸其徒況又集無
久次者轉遷後來者登進皆適所用平章可知可依前件

授盧文集作下同玫起居即劉從周補闕等制前人

勅君有舉左史得書之政有關諫官得補之二職者歷朝
之清選也前侍御史盧文玫嘗在西川時為從事亂危潛
伏能潔其身前監察御史劉從周頃佐宣城奉公守正集作
端士之操終然不渝時所稱論並宜甄獎况學術詞藻見
推於衆並命清貫僉以為宜記事盡規各佇能効文玫可
起居即從周可右補闕

授前合州刺史顏堯禮部郎中殿中侍御史李
德璘右補闕監察御史鄭渥右補闕等制 錢翊

勅具官顏堯等昔太師魯公拘在寇廷渠魁有危一作迫
之問對以諸候朝覲之禮奮於直言不屈 疑守正而歿
理命之戒家廟為先賢哉鉅人可謂忠而知禮矣今堯行
高學茂洪緒有承因太師之所為遂以禮曹即命爾用昭

遺德且勉令修德璘合矩中規擅髦彥之稱溼端居慎守
積監視之勞擢為諫臣實就近列使吾聞過擊爾當官無
或面從以墜其職可依前件

左右拾遺

授梁昇卿等拾遺制

蘇頌

勅宣德郎行岐州雍縣尉梁昇卿等或敷暢學旨或該通
詞藝爰廣獻書之路用開納諫之門不獨美於雕龍頗思
齊於市駿咸宜採擇以申甄獎可依前件

授常啓左拾遺制

賈至

勅劍門縣令常啓雅有文詞仍兼政術諫官近密必擇正
人忠謹之言期於無隱左拾遺

授趙闡右拾遺制

常袞

誥獻再試文章考入第三等處士趙闡或懿文清拔四科

之美或純孝彰著百行之先或以言精梗槩

屬

觀風省俗頌網求才幽滯靡遺精麤咸紀俾昇榮於中外
庶有光於獎擢可右拾遺

授郎士元等拾遺制

前人

勅前涇南縣尉郎士元等有君子之行有詩人之風頃尉
于畿亦克用又匪躬之故無以易焉進思直言入告于內
勿使流議壅于上聞懋乃所職其無遺政可依前件

授盧告左拾遺等制

杜牧

勅承奉郎行京兆府長安縣尉直史館盧告等朕觀不理
之代無他道也取唯諾之士為耳目之官是以太宗皇帝
之理天下也德為聖人尊為聖帝三日不諫必責侍臣况
予寡昧固多遺闕不官才彥安能之知告是吾賢卿老之
令子弟也以甲科成名以家行著稱取自史閣校居

諫垣夫朕之不德吏之不平政之失中人之不寧四者之
闕悉陳其致此乃漢文帝開諫諍之詔也忠告不倦爾當
奉職自用則小子不怙過勉思有犯無事遜言景宣與揚
皆有才幹糾繩大府贊佐兵郡各宜勉力以讎知己可依
前件

授前起居舍人常序禮部員外郎前操陽縣尉

常溪左拾遺制

戴珣

勅具官常序等近朝賢相名卿以貞重簡潔益大其門者
序則承之故華選陟居昭其嗣也爾復稟粹揚清不滂不
屈播在公論使我思聞其或風法名家鉅宗稍替溪則飾
身而進志欲與言一罷等疑謨久為羈滯仍嘉好學俾列
近班夫踐奏所司典章誠重而昭嗣之選大不在辭廷諍
之臣惟直是舉欲與之志官以道彰華選近班各詳茲訓

可依前件

授前起居舍人崔居邈庫部員外郎前好時縣

尉充諱賢修撰獨孤逢守左拾遺等制 前件

勅具官崔居邈等即署之選優諫臣之選重必用門子以
清朝倫居邈愿而自求以守名卿之嗣逢學而不倦能從
長者之言聞其退居皆已甚久苟無甄擢何為搜揚可依
前件

授監察御史李漸左補闕前著作佐郎張道右

拾遺制

前人

勅具官李漸等朕常推感寤之意闕艱難之塗實務塞違
用昭致理爾等或夾代之盛風聲有傳強以自圖守若不
墜或從學之道外直此一字無固在中慎無揣我之情然後舉
職從諫則聖吾詎無心於此哉可依前件

授長安縣尉直弘文館揚贊禹左拾遺鄠縣尉
鄭谷右拾遺制

薛廷珪

勅具官揚贊禹等以贊禹挺生公族雅有令名檢身如履
其春冰操心不愧于屋漏而言行無玷文章可觀連中殊
科首冠群彥捨而不顧去奉良知五年于茲澄澹一致自
待之意何其遠歟以谷二雅馳聲甲科得雋亦承遺構自
致亨衢求諸輩流兼慎行止朕方求理道允屬滯淹聞爾
贊禹之規為可以厚風俗而彰教化聞爾谷之詩什往往
在人口而伸王澤舉賢勸善允得厥中並命諫垣我為公
選汝於職業勉自激揚可依前件

通事舍人

授揚泚通事舍人制

李嶠

勅朝散大夫行通事舍人員外置同正員揚泚肅承簪笏

頗著聲芳趨奉軒墀兼効勤恪宜加恩命俾從優獎可檢
撥通事舍人散官如故

授常元珪通事舍人制

蘇頌

門下朝散大夫行太子典膳監常元珪占對閑詳風規詔
茂鷓鴣分職已命膏梁之緒鸞墀敷奏佇揚賓客之言可
行通事舍人散官如故主者施行

授韋振通事舍人制

前人

門下朝散郎前守通事舍人員外置同正員韋振良玉蘊
價明珠耀彩宜擢才於金兗俾趨侍於瑤墀可朝散大
夫行通事舍人主者施行

授盧惟

總目有推字

等通事舍人制

孫逖

勅前行潤州丹徒縣主簿盧惟等士族見推人才亦著威
儀有則詞令可觀明試以言既閑於敷納為官而擇宜在

於軒墀並可通事舍人餘如故

授張伯禽等通事舍人制

賈至

勅太子左右贊善大夫張伯禽博雅溫良能詳故事左
金吾衛兵曹參軍張勣慎徽美可立於朝休有令聞忠
而周敏出納朕命僉日爾諧伯禽可兼試太子僕摠可守
通事舍人

文苑英華卷第三百八十三

登仕郎胡

柯

鄉貢進士彭

叔夏

校正

文苑英華卷第三百八十四

中書制誥五

翰苑

翰林學士

授學士杜元穎加侍郎制

元稹

勅朝散大夫守中書舍人充翰林學士護軍賜紫金魚袋
杜元穎昔我憲宗章武皇帝熏灼威明兵定八極大索俊
又以徵謨集作謀猷其在禁林尤集賢彥越正月夕庚子將棄
倦勤付朕眇末乃詔元穎佐予冲人以道揚丕訓爾亦
祗奉顧命咨援集作授舊章輔釐哀憂俾克依據是夜而六
宮承式厥明而百吏受遺草定法儀茲實賴汝官不稱事
予懷慙然而又詞源奧深機用周敏申集作授之以疊委之詔
而益辨漢書與辨同扣之以疑似之問而益明慎獨以脩身推誠以
事朕職勞可舉德懋宜外不俟踰時寧拘滿歲綸誥清秩

版圖劇曹例無兼榮特示甄寵予以國士遇集作汝汝以忠臣報予効而集作肺肝司朕耳目可守尚書戶部侍郎知制誥依前充翰林學士散官勳如故

授學士沈傳師加舍人制

前人

勅書云臣作朕股肱耳目言天下不可一人理也今國家崇建執事以任股肱妙選侍臣實司耳目股肱良則心膂正耳目審則視聽明苟非端人何以近我而朝議即守尚書兵部郎中知制誥充翰林學士上護軍賜紫金魚袋沈傳師潔靜精微風流儒雅名因道勝信在言前謙而逾光卑以自牧專對無不達羣居若不知而又煥有文章發為詞誥使吾禁省中無漏露之患而朕語言與三代同風勤亦至矣事我滿歲命汝即真勉竭乃誠以輔台德可守中書舍人依前翰林學士散官勳賜如故

授元稹中書舍人翰林學士制

白居易

勅仲尼日志有之言以足志文以足言言之無文行而不遠故吾精求雄文達識之士掌密命立內廷甚難其人爾中吾選朝散大夫守尚書祠部郎中知制誥上柱國賜緋魚袋元稹去年夏授自詞曹元外試知制誥而能受一作繁詞剗艷集作使吾文章言語三代同風引之而成集作綸綍禹之而為典訓凡秉筆者莫敢與汝爭能是用命汝集作為中書舍人以司詔令一作專嘗因暇日前席與語語及時政甚開朕心是用命汝集作為翰林學士以備訪問仍以章綬寵一作榮其身一日之中三加新命爾且率一作素履思求圖敬終如初四以報我可守中書舍人充翰林學士仍賜紫金魚袋散官如故

授蕭起居舍人充職制

前人

勅左輔闕翰林學士蕭俛頃居諫列職同其憂夙夜孜孜拾遺左右朕嘉乃志選在內庭自參密近蓋見忠讜終始不替允足多之記事之官一時清選俾膺是命以弘勸獎可守起居舍人依前件

授學士王源中戶部侍郎制

李震中

勅竭誠於補察必罄許謨鋪文於誥命以先鴻業非明識屢經於體遠麗藻已著於知微則何以副我虛求允於任使翰林學士中散大夫中書舍人上柱國賜紫金魚袋王源中天籟無器大球不磨範圍可以程擗紳刀尺可以制度量自按於郎署寘諸中禁嘗因進見敷奏以言揖黃憲而福允疑不生覩汲黯而風神自整今時方無事政在和平外付股肱內倚心腹必冀協恭以奏上營道而同方俾下無間言上無偏聽萬務攸繫朕持賴之勉勤夙夜之規以

副簡求之望可尚書戶部郎中知制誥依前充翰林學士散官勲賜如故

授學士李讓夷職方員外郎充職制

前人

勅夫言語侍從之臣非賢不命久而加獎則彝典也翰林學士朝議即行左補闕賜緋魚袋李讓夷器以琢成材為衆出蘊積邁時之志發明扶道之心學務研精文推軼拔早飛聲於戎幕遂躡位於諫垣忠言屢聞密命斯委果揚溫雅之稱宜獲持謙一作許謨之効亦既久久宜所轉遷受假寵於擢蘭用酬勞於視草勉弘前懿以服寵榮可行尚書職方員外郎依前充翰林學士散官賜如故

授學士王源中等書舍人制

前人

勅朝廷之制外有綸閣之職以奉大猷中有翰苑之司以專疑作察命帝王懿範備舉而行森然在前其道一貫朝散大

夫守尚書戶部郎中充翰林學士上柱國賜紫金魚袋王源中能斷大事美秀而文服君子之儒秉賢人之業朝議郎行尚書禮部員外郎充翰林學士上柱國賜紫金魚袋宋申錫和順積中英華發外懷致君之志布經國之文二者皆國器也先皇帝能用之顧予中人敢不加敬申命執事崇其寵章籍右掖之芳名參內廷之重任思為盡飾朝典宜之源中可權知中書舍人依前翰林學士散官勳賜如故申錫可守尚書戶部郎中知制誥充翰林學士散官勳賜如故

授學士路隋等中書舍人制

前人

勅夫秩高綸闈職贊書命禁署之內用才尤難蓋以討論而功垂無窮潤色而言流有截非嘉績早日一作著雄文夙翔則何以茂於轉遷副此僉屬朝議郎守諫議大夫充翰

林學士上輕車都尉賜紫金魚袋路隋澄澄天倪落落風韻氣含古道行為人師朝議郎行尚書庫部員外郎充翰林學士上柱國賜紫金魚袋常表微符彩外朗誠明中虛言皆本人疑勳必循矩而皆揚歷榮序輝華作耀朝倫以高行清議發于身以精理敏識稱于職而澄群疑之聽昭宣素風况選自先朝擢居內職或依經而諫諍為高或視草而周密居心言念前勞是嘉成績洎予嗣位思親賢人覩形容而鄙恡自祛察言行而公忠益有奧詞達學備望清規式叶予求宜從朝獎中書理本內禁化源並承訓誥之榮往勵將明之道我方舉爾善爾宜懋厥官隋可守中書舍人依前翰林學士散官勳賜如故表微可守本官知制誥依前翰林學士散官勳賜如故

授蕭寘充翰林學士制

崔瑤

勅禪翰金門諒屬詞華之妙論思王署尤資周慎之才選
署惟精舉授斯重朝議即行尚書兵部員外郎蕭寘內蘊
沉識外揚清和羣居不流雅尚歸厚文摘錦繡學富縑緗
早命中於射宮遂從知於壺奧靜無違心動有餘裕用雖
繫於通塞道自保於歲寒藹然休聲布在公議是宜擢居
密地掌我命書勵夙夜之講求備朝夕之聰聽副茲寵榮
佇有弘益可守本官充翰林學士

授曹確充翰林學士制

沈詢

勅職奉命書選歸于鴻藻名叅侍從任切於端人由具美
而方陞一作皆非一善而能進我今慎擇得自僉言起居即曹
確秀發人倫行循儒間保此全器彰乎令名負賈生之才
識窺夫子之牆仍禮樂盡在襟情甚夷貞而能和用則善晦
遐志陵厲早超脫於池中茂業宏深動聲華於日下爰

自侯府列士王庭踐霜臺而職舉方書立文皆而事光載
筆持以風表居然羽儀稽其行能雅副銓擢是用寵爾良
史為予近臣俾從瑣闥之榮更侍玉堂之奧皇猷思暢用
宣秘密之文清秩不移尚受無私之旨秉心勿替於直道
視草勉高手訓詞無忘懿圖佇吞休命可守本官充翰林
學士

授庾道蔚守起居舍人李文儒守禮部員外郎
並充翰林學士等制

杜牧

勅天下為公選賢與能也況乎拔出流輩超侍帷幄豈唯
獨以文學止於代言亦乃密叅機要得執所見若非賢彥
豈膺選擢將仕即守起居舍人庾道蔚善行必備重價無
對嘗自侯府外為諫臣每直言而盡誠不違忠而偶意朝
誠即行尚書禮部員外郎上柱國賜緋魚袋李文儒才行

冠時名聲譁衆揚歷臺閣宣昭職業無入而不得其道守
正而莫混其源並為儒者之英咸蘊賢人之操久遊安在
相見何晚一作何晚禮日君子稱人之美則必爵之我既言
矣亦能繫維宜盡忠讜以酬寵遇並可守本官充翰林學
士餘各如故

授裴諗司封郎中依前充職制 崔嘏

勅臺郎望美詞苑地高繁列宿之輝華衆起華之宥密自
非風儀玉立器宇川停擣揆天之雄文蘊擲地之清韻則
不足以膺我妙選為特美談翰林學士考功員外郎裴諗
襲慶于門騰芳戴席端莊抱吉士之操謹默得賢一作人
之風灼若春華皎如瑞素自擢居又固參侍瑤墀進對益
見其周詳詞旨不離於雅厚是宜仍金鑿之舊職榮粉署
之新恩保乃休光更流芬馥可依前件

授蕭鄴翰林學士制

前人

勅監察御史蕭鄴吾內有宰輔重德作為股肱外有侯伯
虎臣一作用寄藩翰至於參我密命立於內廷即必取其
器識弘深文翰適麗動能持正靜必居中指溫樹而不言
付虛襟而無隱此所以選翰林學士之意也前此數者鄴
皆有之是用拔於羣倫實在親近勉爾端行副吾精求可
依前件

授宇文臨翰林學士制二首

前人

勅吾方以文化天下期於大和故左右侍從之臣詞林宥
密之地必求其性識弘茂文藻適麗以備顧問以參周旋
聞爾清直無徒雅厚自處富有天爵蔚為詞人是用輟自
儀曹置於翰苑惟端靜可以承渥澤惟敬慎可以期遠圖
資爾令猷副我殊選可守本官充翰林學士

勅禮部郎中宇文臨吾外有輔臣以彰一作大化中有股肱一作以愬一作樞機而發輝絲綸參侍顧問司我耳目廣予腹心惟是東求擢居近密以爾詞賦清才珪璋雅韻抱孤貞以適性竦端介以操持處衆流之中不為自異居慎獨之際克念無私由是選自文昌昇于翰苑爾宜一心以奉職勤百慮以省躬勿怠疏遠副吾恩顧可守本官充翰林學士

授沈詢翰林學士制

前人

勅右拾遺集賢殿直學士沈詢參宥密之命處侍從之地居可以備選用於他年勳可以承顧問於此日不獨取文翰適麗之才亦必求孤貞雅厚之士惟乃祖在建中初以懿文奧學司我元良一作乃父當元和中以清規茂行典

我文誥能流積善之風鍾爾挺生之秀是用思彼前德擢於後來置在禁闈光我詞苑爾宜謹其身以勞夙夜弘其用以新志業無俾枚臯嚴助之流獨承榮於漢帝况職當視草官列諫垣宜思及審之忠更潤演綸之美可守本官充翰林學士

授司勳總目郎中兼侍御史知雜事賜緋鞶一作本官充翰林學士制 錢珣

勅執事近臣上無不可敬時一作文墨而分禁職者又加等焉蓋咨訪之勤密期弘益訓詞之暇必進語言思引君當道之心乃多士以寧之本則受禁職之選被加等之私安可徒任筆端然後為得具官鞶擢動人之行率性自強慎獨不渝考祥甚遠資以講學見於文章唯是求己之多播於羣譽矣朕初嗣丕業擢升諫曹繼陳書辭罔不一作

摩切雖公賞曾光於赤紙而直誠尚記於阜囊愈聞勵脩
宜列左右故命爾之誥以詩人孟子之說為端者茲不有
賴於侍從乎可依前件

授右司郎中張玄晏翰林學士制 前人

勅文也者性之表也積中為性發外為文冠乎妙用之先
繫彼化成之大而文之雅與本具典暮所以教誥萬方昭
明百度代我而作求之必公具官張玄晏嘗聞薦紳論者
多以爾儒行踐脩出言之章能顧於是聚問之學一作樂
斯不為人乃知發外之文實自積中之性吾越在閔輔不
遑燕居大盜未屠蒸人且墜謂引過則責躬必至謂伐叛
則用武方勞爾其據體會機剪煩愒要而復念害成於垂
誠安假寵以自圖勿使詞臣不當朝選可依前件

授中書舍人崔疑右補闕沈文總目儒並守本

官充翰林學士制

劉崇望

勅具官崔疑等凡帝王有應制侍從之人蓋思其朝夕匡
益也下昭先視質疑如流茲所以潤色出言交脩發編大
漢氏設玉堂內署開金馬外門得人甚多斯道大振故是
眇末敢忘師虞職思其流以備左右俄聞家遺清風人懷
恭德能濟其美者伊疑有之三代絲綸一門冠蓋不墜其
業者伊文儒有之而皆以墨妙詞芬策名試第謙無矜物
敏以適時周旋鳴玉之儀頡頏攀雲之路訪於執事亦進
厥良直我雍容之列所宜也敬承密命允斗同時可依
前件

授翰林學士承旨戶部侍郎崔汪尚書右丞學

士中書舍人崔洎李璣並戶部侍郎知制誥充

學士制

薛廷珪

勅朕以萬乘之尊託于人上居九重之奧以御區中財成
天地之宜外委于良輔夙夜宥密之命內咨于近臣佇沃
乃心底予于理具官崔汪山嶽鎮地望之而秀絕無涯金
石在懸扣之而宮商有序門地軒冕甲放當時具官崔洵
公台華胄名教偉人稟象緯之英姿得乾坤之秀氣器業
事望鎮于周行具官李礩學際天人道隆姬孔叅言語侍
從之列擅淵雲賈馬之才履正居中格于公論而皆體訓
誥以事我拱霄極而致身吾得名臣汝遣昌運君臣胥遇
千載一時或扶滿佇遷或職勞可舉往膺並命允屬當仁
綱轄貳鄉清重無對玉堂溫樹近密孰階遂爾扶搖副我
欽屬可依前件

授起居郎李昌遠監察陸辰並守本官充翰林
學士制

前人

勅近侍宸嚴叅予密命韜經濟彌綸之望為言語侍從之
臣迺眷周行朕將注意詢于卿士僉曰汝諧妥膺並命之
求允屬當仁之選起居郎李昌遠魁梧博厚寬裕溫良蘊
是粹和發為符采監察陸辰珪璋鎮密成護瑋樅藹然休
聲礪乃佳器士林擢秀聞爾則百尺無枝筆陣交鋒聞爾
則一戟而霸皆伸於知己副我旁求藩柱下之清源無忘
啓沃紹雲間之華譽勿鼓誼囂慎繼前脩罔言溫樹吾有
美實期爾為鹽梅吾有巨川佇爾為舟楫勉思稱職無叅
怒飛可守本官充翰林學士

登仕郎胡 柯 鄉貢進士彭 叔夏 校正

文苑英華卷第三百八十五

中書制誥六

南省一

左右僕射

授蕭重休

一作惠 休下同

一左僕射詔

沈約

門下尚書萬事之本隆替是寄愆司頓闕宜速有人征虜將軍吳興太守建安縣開國子蕭重休才學一作具淹通識裁詳允內著嘉庸外敷美政人副朝端僉議斯在可守尚書左僕射餘如故主者施行

南史蕭惠休為僕射重休恐誤

授王亮左僕射詔

前人

門下朝端任重刑政禮作斯出自非民望時宗莫諧茲舉通直散騎常侍吏部尚書領太子左衛率王亮器識夷遠風鑒清奧贊務釐朝庶績惟允宜崇名器以副具瞻可尚書左僕射主者速施行

授劉幽求左僕射制

蘇頌

門下尚書佐理四方取則端揆成務百工是師非允具瞻
孰康庶績封州流人劉幽求風雲玄感川岳粹靈學綜九
流文窮三變義以臨事精能貫日忠以成謀用若投水茂
勲立艱難之際嘉話盈啓沃之初存謹直以不回舊唐書作顧又作諛
為姦邪之所忌釁萌頗露譖端潛後篇作竊發元宰見逐讒人
孔多既誅唐書作珍羣兇方宣大化期問政於經始載登賢於
夢卜可依舊金紫光祿大夫守尚書左僕射知軍國大書
無天字事豎脩國史上柱國徐國公仍依舊還實封七伯戶并
賜錦衣一襲主者施行

此篇四百四十八卷重出今已削去

授李林甫右僕射制

孫逖

門下端揆之職官之師長宰輔之位朕之股肱有能兼領必

在時傑光祿大夫吏部尚書兼集賢殿學士上柱國李林甫
國之懿屬一作文有濟時之明略自委三事于茲九年太猷
是經庶績惟叙使夫人登福壽俗致和平垂拱而化以臻
于道蓋天之贊我亦時乃之休况矜慎有恒始終如一外無
滿盈之色內秉謙卑之誠歲寒彌堅夕暢彌厲褒德之義
又何與之宜兼三綬之榮俾在百寮之首可尚書左僕射
兼右相吏部尚書餘如故

授李忠臣右僕射制

常袞

勅文昌所以法成象端右所以長庶察秦漢則內掌武事
魏晉或外綏戎政今之垣翰重任勤勞有功歷踐六卿始
終一德必訪群議然當盛選淮西節度觀察處置等使開
府儀同三司檢校工部尚書兼安州蔡州刺史御史大夫
上柱國西平郡王李忠臣忠厚純茂信而可親寬肅靜深

通而必正備五才之用有百勝之全往者寇孽亂常閑洛
多故爰奮其旅以先啓行大城名都所麾必尅元兇臣猗
傳首相望定齊休士有逮威之得雋破趙會食亦淮陰之
用竒漢東儒南專制千里摠三軍之誦令兼八使之澄清
約已撫人守集公遵職訓師以禮載寧於戎聞元賦從薄
繼入於王府四封不聳一記于茲况忠衛之勲邦家是賴
陝郊巡幸憂國存誠能擇位以勤王亦見危而致命疾風
逾勁何日忘之申伯于藩自當褒勸韓侯入覲宜有寵光
式是南宮俾崇禮秩可檢校尚書右僕射知省事餘並如故

授崔圓左僕射制

前人

門下左右丞相師長庶官無人則缺詔德而授以其久次
是有轉遷特進檢校尚書右僕射知省事兼揚州大都督
府長史御史大夫充淮南節度觀察處置等使上柱國崔

圓山東備才忠厚成性文高大雅學富金經直道而行匪
躬之故謀叅經始節貫嚴疑嘗決識於廟堂早書勲於王
府外綏戎政久鎮名都苦心恤人精力勤職圖難思易適要
除煩彰風化而少長有禮齊法令而軍戎知禁正身不渝奉上
彌恪有大賂南金之貢有浮泗達河之曹事多弘齊人不疲勞
淮海晏然朕實毗倚寵章所以褒善大任所以寄賢俾升
禮秩無替成命可檢尚書左僕射餘並如故王者施行

授令狐彰右僕射制

前人

勅中臺萬事之會端右庶僚之式所以摠詳叅貳恢演協
宣勲德兼崇則殊在師長之重勤勞于外則不親損益之
煩允命此官必書放冊極茲朝選用屬時賢滑毫等州節
度使開府儀同三司檢校工部尚書持節滑州諸軍事兼
滑州刺史御史大夫上柱國霍國公令狐彰腹心純臣忠

允明亮有張仲孝友之行有吉甫文武之才秉其直方資以簡厚早擅韜略尤工墨妙艱危致命出入勤王中興之勳羣師唯尚雖驃騎之北至高關淮陰之東下井陘積事度長抗衛集作行異代自授任千里疆于兩河靖安軍戎肇正封域弘布風教宣明憲章優禮意於文吏洽仁化於毗俗息馬論道讓其保塞之勞愛人省刑守我中朝之典載脩職貢以奉京師頃者復彼河流省其後費除歷年之所病匪踰月而成功開濟良謀東藩是賴不忘利國益見深衷予嘉乃休朝有明勸念齊侯之勞賜同申伯之封賞厚其禮秩允答奉公可檢校尚書右僕射餘並如故

授田神功右僕射制

前人

門下萬事之本歸於司會百僚之師屬我端右所以綜詳名實參貳紀綱德選勞於是乎在開府儀同上司檢校

兵部尚書使持節汴州諸軍事兼汴州刺史御史大夫充

汴宋等州節度使上柱國信都郡王田神功忠敬孝友寬

厚深集作沈毅經之以詩書締之以韜略言能顧行勇必體仁

信義不愆於風雨智謀自叶於蒼蔡早膺戎寄式是師

真有次勝合變之奇有明賞必罰之當精貫白日氣陵高

秋馭集作按盧龍之軍萬夫觀政集作萬里橫海討淮夷之叛一戰平吳

統制濟河懋照聲績往以犬戎內吳華夏多虞入勤服勞

扈遊能力忠衛杜稷勳書甲令逮乎移鎮在浚之郊守

龜蒙鳧繹之險當曹宋齊魯之會牧人馭衆憂國奉公宣

文教以布朝章訓武經以明軍法脩職貢之禮率先闡外

通轉輸之利益贍關中疆宇不聳田萊加闢風俗澄一河

南晏然夫以勲業之崇而手威未峻報功優異集作賢豈允僉

屬固宜副文昌之長摠周官之任仍兼連率益重方隅可

檢校尚書右僕射兼充本道觀察處置使餘並如故主者施行

授韓臯左僕射制

元稹

勅夫一邑之政而猶資老者之智用壯者之決况朝廷之大得不以耆年重望居表正之地儀刑於集作以儀刑百辟乎惟爾金紫光祿大夫檢校尚書右僕射兼吏部尚書韓臯始以直言事代宗皇帝司諫諍復以文章政術事德宗皇帝為舍人中丞京兆尹在順宗憲宗時出領藩方入備卿長逮予小子歷事五君勤亦至矣而又處權近之際未嘗以恩幸自寵於一時當趣嚮之間終不以薄厚見窺於衆目豈所謂徐公之行已有常而詩人之風雨不改耶日者銓覈群才兼榮際務頗煩倫擬有異優崇罷去職勞正名端右集作俾絕積薪之歎且明尚齒之心凡百庶察無忘咨稟

可尚書左僕射餘並如故

左右丞

授劉知柔尚書右丞制

蘇頌

門下天臺管轄爰正紀綱人望僉宜方膺授受銀青光祿大夫行尚書戶部侍郎上柱國彭城縣開國伯劉知柔時行推美舊德歸高明暢襟情慤閑華風表蹈典墳之芳潤摠詞賦之笙簧慮常密於在公迹自勤於為政萬人登數已聞書版之精六官揆才更俟彈珠之妙可行尚書右丞散官勲如故主者施行

授源軋曜等尚書右丞等制

前人

黃門二轄之重百官取則苟非其人何以成務正議大夫行尚書戶部侍郎上柱國安陽縣開國男兼御史中丞源軋曜清深密靜有彌綸之識正議大夫行紫微舍人上柱

國倪若水剛正明斷有精覈之才並果行育德以文飾吏
事閑達舊章發揮大禮南臺執簡勳中規模西掖揮毫舉
成倫要必能主其襟令肅此綱維宜膺却詵之寵更叶揚
喬之拜軋曜可尚書左丞勳封如故若水可尚書右丞散
官勳如故主者施行

授陸景融尚書右丞等制

孫述

門下紀綱中省贊貳六卿稱職惟難任賢斯在蒙陽郡太
守陸景融等夙昭時望見重人倫脩德行為本源用文章
一作為潤飾清心雅道獨運虛舟敏識英才高標利器著名
滋久更事亦多天臺缺官廷儀僉屬宜膺求舊之舉俾叶
往諧之命可依前件

授張紹貞尚書右丞制

前人

門下朝儀大夫守益州大都督府長史持節劍南節度度
支營田副大使知節度事兼採訪處置使攝御史中丞上
柱國張紹貞中積溫惠外刑嚴肅通才應物妙理為心丞
踐方州咸推諫最爰施密命且寄專征而紀綱一臺彌綸
百事缺官斯久選衆尤難宜輟南轅用昇右轄可尚書右
丞散官勳如故

授宋鼎尚書右丞等制

前人

門下紀綱一臺爰咨右轄彌綸五教必擇亞卿通議大夫
尚書刑部侍郎借紫金魚袋宋鼎雅操貞規為律人之器
朝議大夫守尚書工部侍郎上輕車都尉郭虛已通才敏
識有成務之能並文行相資公忠自遠履周行而有俗有
歷官而必聞柯葉不秬芳馨可久宜允副於朝選俾遞遷
於省闈鼎可守尚書右丞虛已可尚書戶部侍郎散官各如故

授崔翹尚書右丞制

前人

門下司會之府尤重於紀綱舉能而官必慎於名器太中
大夫守河南一作東郡太守本道採訪處置使上柱國崔翹文
儒績業忠

為狗公之節歷官滋久更事

亦多南省缺員中朝選舊宜取才於攬轡更馳名於握管
可守尚書右丞散官如故

授徐浩尚書左丞制

賈至

勅中書舍人徐浩精潔惠和敏而好學有凌雲之詞賦兼
臨池之翰墨祇勤直道厥德允脩右掖司言已光綸綵南
宮掌轄仍佇紀綱可兼尚書左丞

授崔倫尚書左丞制

常袞

門下蘇武張騫使匈奴十餘歲不失節而歸漢武不過與
屬國騫拜中大夫而已朕每以勞大賞薄而流歎也頃以
昆夷之俗繼好勤誠不忘緩懷喻我文告乃命太中大夫

前守太子右庶子兼御史中丞上護軍賜紫金魚袋崔倫
宣明威惠撫柔西海言忠事直舉無二信臨大節而不奪
匪謀身而苟免終能復命亦既序成使乎四方可謂專達
况躬服謨訓暢於詞律在天寶中已踐卽位選部草
議至今稱之顧其諧歷當處要重之地加之集作以盡粹服勤
所宜超進摠典綱紀歸於臺轄以倫才理精密練達朝
章俾參柄集作選用佇明政本仍加榮級以勸勞臣可銀青光
祿大夫行尚書左丞勳如故

授張重光尚書左丞制

前人

門下國朝多以六卿之貳出領三輔入必稍遷或復舊職
不然則以左右轄處之中外迭居從其班列銀青光祿大
夫前華州刺史兼御史大夫充鎮國軍及潼關防禦等使
上柱國清河縣開國侯張重光明道若昧大方無隅循一作

禮以節事體信以達順罔有擇行在於厥躬其學既精其德亦厚可以質正大義和恒雅俗服在通列鬱其休聲周歷五曹之副逮明萬事之本部符閔輔參化京師亦既政成且聞河潤紀綱臺務圖任舊人職無不綜佇有條理可行尚書左丞散官勳封如故主者施行

授席豫尚書右丞等制

徐安貞

門下朝散大夫使持節鄭州諸軍事守鄭州刺史上柱國席豫等早升清近備經推擇或政成大郡或績佇中朝可以秉於樞轄正之僕御副於內府亞以尹京各恭迺職允茲休命可依前件

授庾承宣尚書右丞制

白居易

勅朝議大夫守尚書刑部侍郎驍騎尉庾承宣昔我太宗文皇帝嘗謂尚書丞百職綱維事一失中則天下有受其

弊者因命戴胄魏徵及杜正倫劉洎輩繼領是職分居左

右職

集作官

脩事理人到于今稱之故吾前命崔從持左綱今

命承宣操右轄衆口籍籍頗稱集作得人况承宣端諒勤敏

周知典故必能為我緝有條之綱杞妄動之輪坐曹得出

入即官立朝得奏彈御史夾會政要扶樹理本無俾戴魏

劉杜專美於貞觀中可守尚書右丞散官勳如故

授孔戣尚書左丞制

前人

勅漢詔承相歲貢集作舉質直忠厚遜讓者蓋所以急賢雋扶

政教厚風俗也然則退藏疎賤之士苟有一善尚搜而揚之

况任久位崇才全望重而不致於急官要職者將何集作安可

以紀綱庶政而羽儀朝廷焉正議大夫守右散騎常侍上

柱國賜紫金魚袋孔戣自十年來歷中臺左曹國庠卿寺

洎藩守近侍之職各於其任皆有可稱矧又貞白端莊澹

然自立進無務滿之色居無墮替之容求之周行不可多得若殘者宜當扶政教厚風俗之選也尚書承掌決百事樞轄六曹晉魏以還右咸集作於左惟有立者可以糾吏惟無瑕者可以律人無以易殘往恭乃一作位可尚書左丞散官勲賜並如故

授周敬復尚書右丞制

揚紹復

勅百事根本在文昌官網轄不脩則庶政墮矣是以選擢之際常難其人不可有精才孰膺茲選一作江南西道都團練使觀察處置等使檢校右散騎常侍周敬復以精遠之詞早登科籍以深奧之學遂列顯名振風績於南宮奮輝華於翰苑聲猷一作實著名以事高厥德允備在公不倦俾贊丞於都座庶警於周行振舉朝倫有望於爾可尚書右丞

授崔蠡尚書左丞制

崔瑕

勅提六聯之紀綱摠一臺之樞要自非才識兼茂風標峻整則何以統攝羣吏肅清衆官前天平軍節度使崔蠡軒裳積慶文學操身黃鍾丞待扣之音青萍蓄善割之利早分列宿獨膺題柱之榮入踐禁闈共許演綸之美累居重任亟換名藩貢籍銓衝必澄於藻鑑觀風馭衆益顯其長才兼車扇愷悌之仁將席蘊韜鈴之略情惟戀闕志在推賢詞必由衷事多餘美顧我任才之意當爾受代之辰言念前勞載加新命爾其堂秦臺以分美惡操漢律以檢尤違必俟端標用分曲影可依前件

文苑英華卷第三百八十五

登仕郎胡

柯

鄉貢進士彭

叔夏

校正

文苑英華卷第三百八十六

中書制誥七

南省二

吏部尚書

授裴遵慶吏部尚書制

常袞

門下尚書萬事之本選部五曹之右以掌邦典以檢官材
 漢魏以來多用宿儒高德蓋重其任也金紫光祿大夫守
 太子少傅集賢待制上柱國河東郡開國公裴遵慶周慎
 禮節敬讓素居集作周慎敬讓道素自居博學而識前言懿文而敦集作知
 大體迺者匡弼王室克和庶政訓道儲宮用弘三善日新
 之美歲晚彌彰自陶融於元和不嬰拂於俗務名臣令望
 清議攸歸處以銓覈用澄流品抑華取實無俾滯才可吏
 部尚書散官勲封如故主者施行

授劉晏吏部尚書制

前人

門下獻善宣美職在納言錄賢任能必歸冢宰若萬事之本舉得其要一時之才選當其實則致理之體昭然可見矣簡求碩德俾之典綜金紫光祿大夫檢校戶部尚書兼御史大夫東都河南江淮山南東等道轉運常平鑄錢鹽鐵等使上柱國彭城郡開國公劉晏時傑國慎高才博學超詣精理澹然素懷禮法之紀綱人倫之模表嘗處台弼以弘訓範載其清靜濟我艱難自勞於外又竭心力苟利於國不憚其煩領錢穀轉輸之重資國家經費之半務其省約加以躬親小大之政必關於慮出入農理止舍鄉亭先訪便安以之均節一作役均一作役以事積而不亂理簡而易從故得井賦田租萬億及材方舟而下以給中都水旱不歉人懷其惠可謂盡瘁事國勤勞王家也思有褒進屢申退讓然以官人之任朝選無踰籍其叅領用鎮風俗所摠羣務一以咨之中外兼濟固有餘方可吏部尚書餘如故主者施行

授蕭俛除吏部尚書制

白居易

勅古者君使臣以禮臣事君以忠季代以集作還鮮由茲

道先皇帝常創於是故在位十五載凡解相印者殆二十

人多寵爲人僚或付以兵柄矧予小子宜有加焉而輔弼

之臣嘗經一日造吾膝沃吾心則思與之始終厚申思禮

不唯勸能者感來者且不敦失墜先志也尚書右僕射蕭

俛忠肅孝敬佐吾爲理以勤事國以疾退身本末初終不失

其道既免舊唐書樞務倚爲右揆唐書朕欲加恩超

等復吾前言而俛繼上讓章至于三四敦諭頗集作切陳

乞彌堅是用改集作命爲選部尚書而猶冠六卿統百職尚

可以表吾寵重亦所以成爾謙光爾宜欽厥始集作慎厥

終無忝我褒揚之命可吏部尚書

授鄭細吏部尚書制

前人

勅天官太宰秩序常尊自昔迄今冠諸卿首非位望崇盛者不可以處之而朕即位以來凡命故相領者三矣迨此而四可不重乎東都留守防禦使檢校刑部尚書兼御史大夫榮陽縣開國公鄭細有丙吉之寬裕子產之恭惠合而為用藩輔四朝故事遺愛留于官次國之都府半在東周委以保釐人安吏肅重煩耆德入領冢卿昔魏用崔琰毛玠典吏曹一時之士以廉節自勵國朝以一有宋璟李乂來字掌選部亦能過絕謁託集作訛偽振張紀綱官無古今得人則理吾言及此欲爾繼之可依前件

授高元裕除吏部尚書制

杜牧

勅昔有虞氏貴德尚齒言於四代其道最優今吾卿老富

有道德以大冢宰表率羣僚顧予敢專得於僉議前去南東道節度管内觀察處置等使銀青光祿大夫檢校吏部尚書使持節襄州諸軍事兼襄州刺史御史大夫上柱國渤海縣開國男食邑三千戶高元裕始以御史諫官在長慶寶曆之際匡拂時病磨切貴近罔有顧慮知無不為復以諫議舍人在大和末詞摧兇魁坐以左官繼為中丞京兆公卿藩服朕始在位徵歸朝廷爰自尚書裂分茅土為政以德行已唯仁言集作信而履之服而樂之餘三十年道益昭著夫中外之任迭有重輕今者于戈韞藏戎狄信順將欲詳考典禮開張教化使吾丞相以降有所咨稟非爾元歆其誰膺之至於官業豈勞倚任祇聽出納無忘教誠可守吏部尚書散官勳封如故

授劉崇望吏部尚書制

錢珣

勅朕常考易象否泰之說詩人雨雪之作知君子消長之
際繫王者政理之端矧乃大有已行衆累皆滌非其罪者
敬以命之且官劉崇望吉德在躬明誠格物辭倡寡和自
合正聲昭兆龜名見左傳先知宜居前列朕初繼天統方求國
損侍從之臣論思在爾代言之下弘道良多察其寬裕之
姿授以弼諧之任恢張大禮一作體師法碩人以掩細過為
所能以觀故事為所樂項因讒慝偶惑聽聞害賢曾寘於
典章 德敢忘於覺寤顧直書之史冊何損於明還暫免
之冠綬具復其所流澤而余心未足經邦而卿位乃虛來
整軒裳再提衝鏡山公密啓更廣規摹楚客騷離辭一作休
勞諷諭勉居會府以率六卿可依前件

授孔緯吏部尚書加食邑等制 薛廷珪

勅朕久為姦倖蔽我聰明其心懵然是非倒置一旦開悟

洞失疑迷寰區冀寧邪正茲別明發不寐思予蓋臣雖已
命官未滿迺屬亟加寵澤式示優崇新授具官孔緯直道
致君至誠醫國先帝以爾輔弼予冲人業履之勤一作明勳名
備於前制唯朕不明不敏俾爾埋厄于外者有年矣言念
至此心焉震驚稟驟加寵榮仍復微數即何以示予補過之
心也天官太宰首冠六卿往執銓衡暫煩藻鏡殊恩
綽禮並復舊章逖聽履聲佇還衮職惟爾元老體予虛懷
可吏部尚書仍復持危啓運保又功臣開府儀同三司上
柱國魯國公食邑四千戶實封二百戶

兵部尚書

授張仁愿兵部尚書制

蘇頌

黃門名遂身退則聞告老優賢尚齒不忘求舊鎮國大將
軍行右衛大將軍上柱國韓國公致仕仍給全祿及品子

課朔望朝參張仁愿有將相之才樹忠公之績入攝三傑
帷幄所以運籌出揔六師塞垣由其卧鼓懸利器而御物
自中於桑林推素心以得士更成於李徑故能居室而應
在邦必聞洎養疾歸休辭榮及禮用旌涓濱之兆空想頴
陽之門乞言繫賴寵德攸宜佇增題劔之榮更遂揮金之
樂可光祿大夫行兵部尚書餘如故主者施行

授李林甫兵部尚書制

孫逖

門下緝熙九法董正六師必在具瞻以弘兼領金紫光祿
大夫戶部尚書同中書門下平章事上柱國成紀縣開國男李
林甫宗盟有慶王國生才明德為章懿文成範事君之節貫
忠貞於四時應物之誠調惠和於一氣爰立作相以期于
理不仁斯遠丕績用彰而誥禁制軍安人和衆是為邦政
深寄汝諧俾謀猷於七兵仍啓沃於三事可兵部尚書餘

如故

授李絳檢校右僕射兼兵部尚書制元稹

勅中大夫守御史大夫賜紫金魚袋李絳昔先皇帝誨予

小子曰堯時有神羊在廷屈軼指佞汝知之乎夫邦正在

人焉有異物朕有臣李降猶漢之汲黯也我百歲後爾其

用之為神羊屈軼斯可矣予小子銘鏤丕訓夙夜求思是

用致理付授邦憲且欲集有為丞相以降皆卑下之集無

以示優遇朕亦嘗命安其步武無為屑屑之儀而絳屢

以疾辭不寧其職又焉敢以勞福集作之故煩先皇帝舊

臣昔晉僕射何季玄病足求免猶命坐家視事張子孺拜

大司馬仍令兼錄一作尚書則卧理不獨專在於郡符端

右可以旁綏於戎政由古道也爾其處議持平勉居喉舌

慎所觀聽為人司南可檢校尚書右僕射兼兵部尚書散

官勲封如故

授陸表兵部尚書制

錢珝

勅周之九法歷代用焉進賢興功以分厥職故夏官之重
高位久虛則有嘗秉化權方臨邦教惟人之命我不敢私
俾正衣冠用光表著具官陸表貌先恭肅氣實清明言欲
訥於否藏德有容於醉飽中出而靜可謂達於樂乎外作
而文所以深於禮也頃以宏博奉吾論思繼令祖之典謨
去邪辭之校葉洎當大用且屬多虞執政雖新犯顏已急
我則有違蹇叔爾詎不知王陵剖竹遂行伏蒲未足還好
爵而來惟辨色掩閑門而退乃韜光考之中庸有以自得
往次六卿之首無輕一等之遷進賢興功必在敦古可依
前件

授劉崇望兵部尚書制

薛廷珪

勅台衢舊德纓冕碩生朝昏常寘於我心事業無忘於汝
礪矧朕出潛之日寔操顧命之書乃眷滋深公望惟允宜
膺重任以副旁求具官劉崇望昔以文詞事先帝為翰林
主人旋以藥石沃朕心彌中興宰相歷試宏業一作周旋
大寮人無間言動不過則云罷釣軸亟移光陰室既生白
角惟任觸浩然正氣充塞乎天地之間卓爾神光瑩徹乎
星辰之表琴樽遂性名教檢身家事雍肥物情重贍一作崇重
靖言素履頗厚時風大道之行斯文未喪將論舊德允屬
僉諧爰增光祿之勲往曳尚書之履敬佩休寵克當厥官
無或牢謙尚欲高卧可光祿大夫守兵部尚書

戶部尚書

授畢構戶部尚書制

蘇頌

黃門司徒之官實掌邦教常伯之位先求國華銀青光祿

大夫河南尹上柱國魏郡開國公畢構達識鴻才調高學
贍器無不綜含清明以見微言有可觀負忠讜以居直百郡
仰其成績三臺推其故事項者任殷河尹聲滿洛師姦
豪懼秋霜之威孤老懷冬日之愛故可辦于五物書以萬
人誰其釐之俾爾作則可守戶部尚書散官勳封如故主
者施行

授裴寬戶部尚書制

孫述

門下敬敷五教保息萬人缺官而擇副相惟允通議大夫
檢校御史大夫上柱國賜紫金魚袋裴寬器識高明風規
端肅蹇諤之用累驚鳥而莫當操割之能斷羣革而何有
亟登臺閣嘗擁旌旄禮樂為從政之文德刑是戢兵之武
雖地卿所掌實行通才而天憲惟難尚資兼領宜曳尚書之
履仍紆大夫之印可守戶部尚書兼御史大夫散官勳

賜如故

刑部尚書

授豆盧欽望秋官尚書制

李嶠

鸞臺天作機衡實惟北斗擬之喉舌其在南宮揆德而居
非才莫可新除司府卿上柱國芮國公豆盧欽望踐仁履
義抱質含文出莅藩條具聞威惠入為朝諫一作棟多所
弘益立身必由於清謹處職無廢於忠勤外府國臬雖藉
幹用中臺天憲更資明允宜膺尚德之舉令踐誥姦之位
可銀青光祿大夫守秋官尚書勳封如故主者施行

授李乂刑部尚書制

蘇頌

黃門王命司寇汝作士師允迪政刑旁求望實銀青光祿
大夫行紫微侍郎一作舍人兼檢校刑部尚書兼知制誥昭文
館學士上柱國中山郡開國公李乂恒碣之寶衣冠之華

業愬四科才抱九德為邦理要動入精微當代詞雄居成準
的忠義得在公之體清脩稟行已之用紫泥掌誥雖密
王言黃沙定罪是懸人命眷茲欽恤尤賴東孚俾回迹於
西垣宜正名於北斗可刑部尚書學士散官勳封如故主
者施行

授裴敦復刑部尚書制

孫述

門下六卿分職朝選猶難三典佐王邦寄尤重朝議大夫
守河南尹攝御史大夫持節江南東道宣撫招討處置使
上柱國賜紫金魚袋裴敦復深沉偉量磊落宏才識無不
通俎豆兼於軍旅行有餘力文學資於政事頃者巡撫江
徼肅清姦宄大叙之謀既能止盜穰苴之法亦在安人功
實簡心賞宜超等委之刑柄俾踐白雲之司錫以身章更
增金印之秩可銀青光祿大夫守刑部尚書勳賜如故

授李巨憲部尚書制

賈至

門下褒賢策勲國之大典允文允武人之所賴陳留大守嗣
編王臣此下疑杖劍分閫掌一作征東夏俾鎮遏寇之職
以寵維城之固可守憲部尚書

授房瑄刑部尚書制

前人

門下蠻夷猾夏舜命繇作士楙功邁德黎人懷之周官大
司寇亦以五刑糾萬人 邦典定諸侯之獄明德慎罰先
王期理前漢州刺史房瑄既明且哲慎靜尚寬有文行可
濟於時有直 能匡其國獻可替否翼亮先朝今寇賊初
滅蒼生凋弊議獄緩死刑期無刑是用採人望於舊臣舉
國植於先老俾掌二典以弼五教庶不仁者遠姦宄道消
尚德優賢仍加八命可特進兼刑部尚書封如故

授崔瑊刑部尚書蘇滌左丞崔璵兵部侍郎等

制

杜牧

勅喉舌百官之本綱轄天下之要戎政國之大事三人為衆一舉得之惟君知臣予不敢讓正議大夫尚書左丞上柱國賜紫金魚袋崔瑑德可標準言成文章揚歷中外道益光顯左省駁議不畏彊禦分憂陝服尹茲東郊政既安人化能被俗擢任藻鑒旋職宰籠材皆適宜官無逋事分鎮股肱之部遂成功實之臣陟處綱曹副以中憲每非集作蓬瑗常慕史魚枰彈之勇正當時病翰林學士承旨銀青光祿大夫行尚書兵部侍郎知制誥武功縣開國男食邑三百戶蘇滌行冠人倫爵高天秩仁義禮樂之是務克伐怨歆之不行翺翺禁闔出入調議汲黯為郡嘗聞卧理下惠去國皆以直道洎宣室思賈甘泉召雄造膝盡忠代言措古近以微恙懇請自便君子之道進退可觀正議大夫前

權知尚書戶部侍郎上柱國博陵縣開國子食邑五百戶賜紫金魚袋崔瑑上知自得不器難名既擅高文兼通樸學掌言綸閣典貢春闈詞同三代之風士掇一時之秀振舉職業宣昭令名詩曰濟濟多士文王以寧禮曰官備天子為樂各爾瑑等實瑞清時予為爾之德隣爾膺予之慎選典刑不忘於哀敬提綱惟在於公勤舉司馬法勿踵近習各膺重位企佇上酬宜於夙夜無孤官業瑑可守刑部尚書散官勳賜如故滌可尚書左丞散官封如故瑑可權知尚書兵部侍郎散官勳封賜如故

文苑英華卷第三百八十六

登仕郎胡柯鄉貢進士彭叔夏

校正

文苑英華卷第三百八十七

中書制誥八

南省三

禮部尚書

授常陟文部尚書制

賈至

門下周官大冢宰以九職任萬人三歲大計羣吏之誅賞
選部綜覈時惟厥任非正人表臣齊明敏哲不可處此御
史大夫卹國公常陟代篤惟忠祇勤于德文可以經國業
可以濟時有鄭僑惠王之仁懷史籀君子之道頃居小宰
翼勤萬務銓鑒而必審其實拔舉而不失其能秉心塞淵
厥有成績可守文部尚書餘如故

授常綬禮部尚書薛放刑部侍郎丁公著工部

侍郎等制

白居易

勅尚書

石集作

丞常綬等朕以

集作

東宮時先皇帝垂慈聖

之德念予冲蒙選端士通儒使講貫今古自禮樂刑政暨君臣父子之道博我約我日就月將俾于予集無于字今不至牆面克荷丕訓大揚耿光實綬放公著之力也故朕嗣位未踰時月或自郡邸或自省署徵擢寵用為丞郎給事中官雖超拜職亦具舉師道光而心愈讓人爵貴而身益恭宜更褒升重酬輔導以綬精粹辨博有先儒之風可作秩宗以放端明慎重行君子之道可居憲部以公著檢敬規度得有司之體可貳冬官於戲貞百工平五刑典三禮皆重任清秩予無愛焉蓋以表二三子道不虛行而明予一人德無不報也綬可禮部尚書放可刑部侍郎公著可工部侍郎餘並如故

授裴休禮部尚書裴諗兵部侍郎等制 杜牧

勅再有仲由孔氏門人高第也尚日處於小國可為具臣

况今照臨百官撫御四海綰牢籠漕輓之職掌五兵六師之重次乃超擢為吾大寮若非僉諧豈敢輕授正議大夫守尚書兵部侍郎兼御史大夫充諸道監鐵轉運等使上柱國河東縣開國子食邑五百戶賜紫金魚袋裴休仁義禮樂文行忠信積此八者以為成人前宣歙池等州都團練觀察處置等使太中大夫檢校左散騎常侍兼御史大夫上柱國河東縣開國男食邑三百戶賜紫金魚袋裴諗在元和代惟帝念功四夷九州文化武伏咨爾先父實著大勲天必祚仁門有令嗣道直才富行脩名高文學而浹洽專精率履而清淨恭儉而皆周歷華顯踐更臺閣處事可法出言成章咸輟自綸閣任寄方伯教訓以禮生聚以康集作仁千里封疆一口歌詠休乃命以取仕時稱得人用其公方委之管權事為之制曲為之防鈎校姦賊未減賦取

公財不耗疲人樂生望為準繩立作據仗名寔兼備德位
兩高漢史曰理行尤異者就加禮曰有功於人者進律秩
崇八座官副夏卿舉以授之予亦何怯夫宰相佐天子公
卿助宰相股肱指臂任同一身有事必言未為越局無自
愛惜勉答寵榮休可守禮部尚書依前充諸道監鐵轉運
等使諗可權知尚書兵部侍郎散官勲封賜各如故

工部尚書

授建昌郡王攸寧冬官尚書制 李嶠

鸞臺事典職隆禮闈望切自非明德莫允具贍具官建昌
郡王攸寧道臻八元名高兩獻行兼為善業茂多才待問
七車屢聞獻替參司百揆多所弘益頃以牙璋首路羽檄
乘邊委以罇俎之謀籍其股肱之用而俾以自牧成而不
居固守鳴謙願離一作辭劇職重違雅志用成其美宜遷九法
之司迴典百工之任可冬官尚書封如故

授劉知柔工部尚書制

蘇頌

黃門司空之職以平水土常伯之任尤重臺閣鴻盧卿上
柱國彭城郡開國公劉知柔碩德耆秀行高才遠文詞有
綺績之工望定有珪璋之譽出膺賢守則郡國循良入位
名臣則依冠準的可謂朝之明哲代之純懿俾遷榮於此
斗宜作範於南宮可銀青光祿大夫守工部尚書勲如故
主者施行

授盧正己工部尚書河南尹東都留守制 賈至

門下昔成王命君陳分正成周尹茲東郊曰惟爾令德孝
恭克禔有政實大其舉俾振厥職先朝故事以擇舊德元
老貞固之臣每居守焉今寇逆始平洛師殘弊周南分陝
寄莫斯重大府卿盧正己忠肅恭懿仁而愛人專鎮分憂

居必致禮是用命爾問疲瘵之俗政必以寬化遷習之人暮
必以義勸農穡之務事必以靜禁侵漁之暴令必以嚴可守工
部尚書東都留守散官勳封如故於戲無替朕命主者施行

授崔渙工部尚書制

常袞

勅程品之重有若百工號令之先尤難六職崔渙學義精
洞文司典麗道高王佐才茂國華實每副名言皆顧行頃
調昇餼庶政惟和及典銓衡羣才忒序中外更茂摺紳所
宗雅有大臣之節光其舊德之選冬卿命職汝往欽哉可
工部尚書餘如故

授常貫之工部尚書制

白居易

勅河南尹常貫之善馭者其六轡善理者正六官六官成
則百事舉故吾選賢任舊集有次第補之而六卿之才吾
已得五闕一不可待汝而成汝貫之以正行明誠為先朝

輔始以直進終以直退道有消長德無繼磷及帥湘潭尹
河洛而廉平清壹之政繼聞于京師名簡吾心善入吾耳
宜置朝右以鎮集作厚時風況今之尚書漢之公卿也言動
可否屬人之集無耳目焉固不專於率四屬程百工備位於
冬官而已可工部尚書餘如故

授盧弘宣工部尚書制

崔嘏

勅朕嗣膺寶位繼統洪業思與藩方大臣披其雲霧况中
外遞遷勞逸更處當用才之日急病是思及求舊之時任
賢思切而中臺為政一作理之本冬卿亦統任之基方籍舊
僚以俾心政前易定節度使盧弘宣自薊門陷戎爾以舊
族遷于洛京惟是冠婚喪祭之義禮讓敬恭之則推於四
姓耀此一門而能自以文業吏師驅馳當代歷踐華顯載
茂林嘉累登齋壇常領京邑功有成效人無間言及罷將

軍之麾幢鮮刺舉之印綬來朝絳闕益見丹誠是宜正彼
六聯昇于八座曳文昌之履通秘殿之香一作更增北斗之
光輝或重南宮之喉舌承我休命爾其敬哉

授鄭紹業工部尚書制

劉崇望

勅具官鄭紹業族掩五侯家多萬石盈數大名之後高門
陰德之餘茲實生賢聿來佐國而勵精士節炳煥人文顧
宇弘深智度恢廓此博能於武庫方俊德於神鋒終始令
圖出入大任丹墀絳闕自風體而弘多起草掌綸由天才之
足用洎揚我休命出守荆門頗聞理聲急於徵請入則思
邦家之久計出則擁旄節之一作於上游良佇忠貞乃期康濟
爰從分務曠已歷時如聞舒不疲之懷安無怨之地雖有
簞瓢之樂寧無憔悴之容能用善人我實所慕是命進爾
於冬官八座乃庶績彛綸之所由言祇若朕言克邁乃訓可

吏部侍郎

授盧藏用檢校吏部侍郎制

蘇頌

勅朝請大夫守中書舍人兼知吏部侍郎事脩文館學士
上輕車都尉盧藏用含和育粹直道正身學貫儒墨詞精
比興風塵之外獨秀瑤林清白之中常懸水鏡自四年掌
誥九品作程峻而不離一作離重輕咸當簡而能要浮競斯遠
刀尺之委銓衡已歸特選周才更符僉望可檢校吏部侍
郎仍佩魚

授陸景融吏部侍郎制

孫逖

門下小宰之官久虛其位至公之用唯才是舉一作守尚書
左丞陸景融珪璋成器禮樂為文剛亦不吐柔而能立恬
淡之性足以柳退浮華微明之識足以激揚淹滯類能而
使僉議允屬俾澄清於九流期風俗之一變可守吏部侍

郎散官勳如故

授李彭年吏部侍郎制

前人

門下綜彼天秩亞于邦冢易人之舉選衆尤難尚書兵部
侍郎李彭年人望時秀雅才清識德以全誠文而致用操
必割之器遇時事無前特不轉之心在公庭難奪必能敷
求名實底慎銓衡宜輟七兵之務俾脩九流之法可尚書
吏部侍郎

授常陟達奚珣等吏部侍郎禮部侍郎制前人

門下家卿宗伯均國和人乃立其貳非才莫可正議大夫
行尚書禮部侍郎權知吏部侍郎上柱國彭城縣開國男
常陟明斷一堅純綱百鍊中書舍人權知禮部侍郎上騎
都尉達奚珣忠公淑慎白珪三復各推邦直皆擅詞雄峻
節爾高標不雜頃膺特事之委深得選賢之稱如有所
試已副於僉諧必也正名宜光於並拜陟可吏部侍郎奚
珣可中散官大夫守禮部侍郎勳封各如故

授薛邕吏部侍郎制

常袞

門下昔禹謂咎繇曰知人其難之魏武又云使吏部用心
如毛玠風俗之易差不難矣今之銓綜但柳華崇本鎮以
禮讓則庶官羣差不濫於進中散大夫守尚書禮部侍郎
集賢殿學士判院事上柱國汾陽集作陰縣開國子集作男賜紫
金魚袋薛邕含和保真莫見其際雄詞祕學德行之餘信
厚可親朝之英達往者潤色鴻業煥發絲言之美又與五
經諸儒質正石渠之論擢以公望貳于秩宗豈惟人神之
和兼舉孝秀一作弟之目鑒裁高朗加以直清進退可否歸於
精實慎乃服命五年如初擇吏辯言宜當盛選無易前政
副予得人可守尚書吏部侍郎餘如故主者施行

授楊綰吏部侍郎制

前人

門下興化在於官人掄才歸於吏部佐平邦典選重朝倫
朝議大夫守尚書左丞集賢殿學士副知院事兼脩國史
揚綰滄雅貞亮弘其素範學究先儒之旨文高作者之興
三楫而進能守謙光一命而僕不忘恭敬頃司論言兼掌
史筆嘗亦秉直夙推無對領春卿左轄之任有奏議紀綱
之績令敵自洽厚德彌彰參我密啓屬於清鑒當勵濯纓
之操不遺刈楚之才敬爾在公無替厥服可尚書吏部侍
郎餘如故

授柳公綽吏部侍郎制

白居易

勅京兆尹兼御史大夫柳公綽長吏數易為害甚多爾來
都畿未免斯弊或苛急而人重困或懦集作弱而姦不息
得其中者其公綽乎細大必躬親剛柔不吐茹甚稱厥職
惜而不遷然知者常憂忠者常勞亦非吾以平施御臣下
之道也尚書六職天官首之辯論官材澄汰流品比諸內
史選妙秩清詢衆用能無易公綽爾其集作飭躬承命以裴
王崔毛為心苟副吾言用稱乃職而今而後亦何往而不
適哉可尚書吏部侍郎

文苑英華卷第三百八十七

登仕郎胡

柯

鄉貢進士彭

叔夏

校正

文苑英華卷第三百八十八

中書制誥九

南省四

兵部侍郎

授唐奉一兵部侍郎制

李嶠

鸞臺參貳百揆樞衡九法是司邦政尤切帝難具官唐奉
一字量深明襟懷雅正文場得雋翰苑推工瓊闈一作闈內朝
政巡舉之美珪符出守樹威恩之績永言禁暴事切安人
俾昇五戒之府佇諧九流之選可夏官侍郎

授裴淮兵部侍郎制

蘇頌

門下通議大夫行中書舍人上柱國正平縣開國男裴淮
敏學聰亮雅詞微婉陽秋具體夙夜在公精義析於連環
規矩同於匪石久典清密見稱忠信簡稽之務軍國是殷
宜擢美才俾敷戎政可尚書兵部侍郎勳封如故主者

施行

授張均兵部侍郎制

孫逖

門下六官之任夏卿尤重貳職之選時望惟屬正議大夫
行尚書戶部侍郎上柱國燕國公賜紫金魚袋張均才略
經通文詞濟美脩身自達擅鴻陸之羽儀莅事無難有龍
泉之斷割累拜省闈彌彰器用芳蘭可久垂棘重歸宜允
副於僉擇俾增脩於舊政可行尚書兵部侍郎散官勳封
如故

授李彭年兵部侍郎制

前人

勅朝議大夫守太僕少卿上柱國趙郡開國公李彭年清
和稟識博雅為文堅貞懷匪石之心果斷有荆鍾之利夏
卿之亞歲調方殷缺官而擇至公斯在宜副才難之選將
觀試可之能可權判兵部侍郎事散官如故

授李岍武部侍郎制

賈至

門下全蜀奧區梁岷設險時清作鎮恒難其人況中夏未
寧上皇南幸益州之政允資忠諒非親非賢何以兼腹心
爪牙之任前襄陽太守李岍貞固簡肅宗枝標秀歷踐中
外咸克有聲今巴蜀之地佇鑿駐蹕譽爾以文武之才倚
爾以維城之固且小司馬之職連率之重兼而處之不曰
厚寄懋哉厥德無替朕命可行武部侍郎

授柳公綽罷監鐵守本官兵部侍郎制 白居易

勅具官柳公綽昔先皇帝知爾有材元和以來應用不暇
及領權筦漕運之務屬陵寢郊丘之禮財給事集時乃之
功宜有轉移以均勞逸况聞牢寵無遺利課督有常規今
詔刑部尚書播代之亦令守而勿失朕將興理化先務根
本凡百職事悉歸有司惟茲夏官實常戎政簡稽調補今

方其時司馬貳卿佐平邦國是爾本職無忘增脩可依
前件

授盧知猷兵部侍郎制

薛廷珪

勅叅斷時政允屬公卿鎮重周行式資舊老而叔世掄選
率尚英華俾我洪儒碩生軋軋不進汲長孺於焉興軟燭
之武是以有詞司求其人夕惕若厲爰有良輔協吾此心
且言爾前尚書右丞盧知猷在和武光孝皇帝朝以文學
詞賦擢進士第登宏詞科書相列藩羔馬交辟雅有叔問
鬱為名儒及我懿考踐祚歷諫省即署官常兼史職藹然
直聲著在筆削先皇帝嘗輟自朝右再委方州饒陽上洛
之人于今懷爾之德旋掌誥命亟服寵榮逮予冲人歷事
四帝出入華顯諳練故實子雲之筆札有名周昌之厚重
無黨鎮吾風俗繫爾秉持遂用委以五兵贊予九法服我

休命稱茲東來往惟欽哉無墜成績可兵部侍郎

戶部侍郎

授源乾曜戶部侍郎制

蘇頌

黃門正議大夫行少府監上柱國安陽縣開國男源乾曜
思愬事端言思正要外則經通成務內則周密知微其識
也清以文守法尚方愛費已稱寶王之府司徒帥屬更重
神仙之闈宜副朝獎莅于邦教可行尚書戶部侍郎散官
勲封如故主者施行

授常濟戶部侍郎制

孫逖

勅朝散大夫守京兆少尹奉明縣開國男常濟衣冠吉士
文雅清才蘊忠信於身謀傳孝友於門德明而克允遇理
必通剛則近仁臨事能斷自升華省迨佐神州皆有令名
咸歸雅望地官之亞朝選尤難我其試哉無替厥命可試

尚書戶部侍郎散官封如故

授韓滉戶部侍郎制

前入

門下周有地官小司徒佐敷五教魏置度支尚書以濟軍國之用政有餘地然可蕪之正議大夫行尚書右丞韓滉惟先臣左右烈祖格于皇天濟美之盛中朝所重好學師古潔其清純文不流放言無技葉素練成式用推至公所更之任事可垂遠久司臺轄嘗亦官人姦吏無竄其情羣才各序其一作位今戶版不實地征未均每歲經費以之匱竭迺者命使以摠領且非典故擇郎以專掌又慮摧輕歸於有司期在折衷昔杜元凱之處斯職內以利人外以救邊法可施行者五十餘條以資當時之急委注煩重宜熟計之可行尚書戶部侍郎專判度支散官如故主者施行

授牛僧孺戶部侍郎制

白居易

勅戶部侍郎周之地官小司徒也掌天下口集作田戶之圖生齒之籍泉二字集賦役貨幣之政令以待國用而質歲成元和以還日益寵重善其職者多登大任中茲選者莫匪正人誰其稱之我有邦彥朝議大夫集作朝守御史中丞上柱國賜紫金魚袋牛僧孺自舉賢良踐歷臺閣秉潤色筆提糾繆綱而書命無繁詞決事無留獄受寵有憂色納忠多苦言朕心知之何用不可夫以人曹之重如彼僧孺之賢若此俾居是職不亦宜乎可守尚書戶部侍郎散官勳賜如故

刑部侍郎

授闕伯璵刑部侍郎等制

常袞

門下古者參用名儒典領大郡或連書課績之最則次補

公卿之缺今甄陶政化黜幽陟明若二千石理行第一中朝右職懸以相待俾長吏知勸至公大行銀青光祿大夫婺州刺史本州團練守捉使上柱國閻伯璵銀青光祿大夫衢州刺史本州團練守捉使樂陵縣開國男田季羔等早以文章侍從潤色綸言朝夕論思處正廷議名高德厚推重周行歷踐藩部集作一其政理本經術以制事參禮法以訓人約已馭物集作儉而下不勞靜以存議而吏不擾風淳俗泰表率方州懋能入遷美選無易慎平秋典給事黃門副予簡求以稱厥服伯璵可行尚書刑部侍郎散官勲如故季羔可行給事中散官封如故王者施行

授王翊刑部侍郎制

前人

門下書曰惟敬五刑以成三德秋官之任也貳卿良選其在茲乎充冊回訖可汗使王翊力行近乎仁率性之謂道

學以博物文能變風出入中外茂昭聲實靜而居易受不辭難使乎四方不辱君命斯之謂矣今丕敵未明東孚未允命爾作小司寇敬平邦憲在寬可行刑部侍郎

授畢誠除刑部侍郎制

杜牧

勅士師臯陶之恤刑司寇蘇公之用獄既盡哀敬能致洽平擢為大僚膺茲慎選出於子志委以誠臣翰林學士朝散大夫守中書舍人上柱國平陰縣開國男食邑三百戶賜紫金魚袋畢誠學臻閭奧聞越拘孿常以忠信用為前後爰自即署擢居內庭謀議有同於壽王竒異輒委於嚴助竭盡心力裨補機要既久歲序湏議遷昇今者耕夫服田戎馬不駕欲使凡一手足皆獲措置是故用汝典予刑罰汝其往哉吾今告汝吾聞孔子曰古之聽獄求所以生之今之聽獄求所以殺之宜念格言探思倫要勉服休命

以稱朕意可權知尚書刑部侍郎散官勳封賜如故

禮部侍郎

授楊綰禮部侍郎制

賈至

門下鯨鯢初懸理化未洽思敦馳驚之俗必弘庶退之風
大帝少卿兼脩國史楊綰質稟天和才憂大雅理能自暢
學不為人自委身於周行孤立於中道喜愠莫形於顏色
外物無得而親跣聲問日高志致彌遠固足以柳揚雅俗
弘獎素風宜貳職於南宮仍屬詞於東觀俾難進之夫增
氣干仕之子知慙斷彫澄源朕志斯在可守禮部侍郎仍
脩國史餘如故

授張謂禮部侍郎制

常袞

朝稱秩元祀春官職焉舉秀與庶國朝兼領非文儒碩茂
鑒裁精實重於一時者不在此地中散大夫守太子左庶
子上柱國河內縣開國子賜紫金魚袋張謂宏達有檢和
平易容豈道廣而難周亦言滿而無擇博涉羣籍通其源
流振起鴻藻正其聲律翰飛不閣煥發司言居部長人不
忘惠訓輔相東禁孝友彰明貳宗伯之掌禮典諸侯之貢
士以爾公望副茲眷求可守尚書禮部侍郎散官勳封賜
如故

授常貫之禮部侍郎制

白居易

勅典郊祀之禮獻賢能之書今小宗伯實貳其集作二事非
直清明正者不足以處之中書舍人常貫之沉實兼峻文
以禮樂行成於內移用於官公直之聲滿於臺閣頃以詞
藻選登禁掖秉筆書命時稱得人多集作積積勤勞宜有遷
轉可使典祀以和神人可使考文以第俊秀儀曹之選僉
議所歸往脩乃官無替厥問可禮部侍郎餘如故

授鄭薰禮部侍郎制

鄭處誨

勅儀曹劇任中臺慎擇愬百郡之後造考五禮之異周必
求上才以允僉屬中散大夫尚書工部侍郎鄭薰高陽茂
族通德盛門東莊氏之風規蘊名卿之器業文諧騷雅鼓
吹前言馨洽摺紳領袖時輩操守必脩其謙柄進退常踐
於德藩疊中詞科丞升清貫特彙列金華之侍揮毫擅紫
闈之工貳職東官克揚休問是用俾司貢籍以朕儒風朕
以化天下者莫向於人文序多士者以備乎時選育材之
本惟善是從擽拔既尚於幽真聳勸勿遺於曹緒無求冠
玉無採雕蟲當思取實之方必有酌中之道爾其盡慮以
率至公可守禮部侍郎

工部侍郎

授徐彥伯工部侍郎

蘇頌

門下太中大夫前守蒲州刺史脩文館學士上柱國開平
縣開國子徐彥伯素履內融清暉外澈學究精密旁通儒
者思含飛動高視詞人名與時行位因才致河澗九里先美
股肱卽留一月初榮侍從考工之任選衆攸稱可守尚書
工部侍郎餘如故主者施行

授蔣渙工部侍郎制

常衮

門下夫任賢之急在適於事要當其才難盡限階序況中
臺政本思舉舊章六卿貳職為今盛選銀青光祿大夫守
右散騎常侍上柱國汝南縣開國公蔣渙忠信孝友周而
不器得元和之純能以禮節有至靜之妙豈因物遷溢聲
華於文藻潤理體於經術中外之秩備更要重不失其正
行之有恒自分貂蟬之列喻公卿之旨入告嘉猷直而不
訐常執德於冲約亦忘情於進趣勤職已久所宜懋能百

工雅時命汝典制可行尚書工部侍郎散官勳封如故主者施行

文苑英華卷第三百八十八

登仕郎胡柯鄉貢進士彭叔夏校正

文苑英華卷第三百八十九

中書制誥十

南省五

左右司郎中

授常審規等左司戶部郎中等制元稹

勅尚書郎會天下之政上可以封還制誥下可以昇負牧守居可以優游殿省出可以察視違尤非第一流不議茲選守職方郎中上騎都尉韋審規等皆歷踐臺閣閑達憲章或滿歲當遷或擇才斯授皆極一時之妙足為三署之光於戲提紀綱而分命六聰左右司之職甚重登生齒以比董九賦人曹郎之任非輕勉竭彌綸之心勿虛俊茂之舉可依前件

吏部郎中

授慕容珣吏部郎中等制

蘇頲總月賈至

黃門朝請散一作大夫檢校尚書主爵郎中慕容珣左公無
撓守道不回利用特稱其斷割清心自表其剛正正議大
夫行商州刺史上柱國申國公高紹羽儀鷓鴣符采珪璋
諸理愈見於昭明屬詞每聞旋驚拔九流綜覈五等封建式
副為郎之美宜膺選衆之求珣可尚書吏部郎中紹可行
尚書主爵郎中散官勳封各如故主者施行

授韓滉吏部郎中制

賈至

勅尚書郎中佐理六卿事闕政本御史則舉直措枉綱紀
周行非雅正之才難在斯任吏部員外郎韓滉恪慎惇敏且
吏且文一作文節夙夜在公咸宜進位可吏部郎中

授常元曾吏部郎中制

常袞

勅朝議郎行尚書吏部員外郎賜緋魚袋常元曾朝請大
夫前行尚書司封集作勳員外郎兼侍御史護軍賜魚元挹

等學業優深詞華通贍雅有搢紳之望列於郎署之間久
在劇曹尤推精密自登膳部克舉彌綸選重一時職參六
典宜膺並拜之寵式美齊名之論元曾可守尚書吏部郎
中散官賜如故元挹可行尚書吏部員外郎散官勳賜如故
授盧元輔吏部郎中制

白居易

勅六官之屬升降隨時獨吏部郎班秩加諸曹之右歷代
迄今未嘗改也則其典職之重選用之精可知矣洛州刺
史盧元輔深於文敏於行加以剽犀之利洞膽之明潔而
用之無往不適連領大郡至于三四剗訛則弊迎刃有聲
且付劇司俾之標制選曹即缺用爾補員歲調方殷佇揚
乃職可尚書吏部郎中

授盧懿吏部郎中制

崔嘏

勅河南少尹盧懿摠天下之缺員必先閱於吏曹即然後

達於銓官自非神機穎利識用周密則不得備於斯選也
以爾詞鋒絢練門緒清華儒席許其溫恭士林推其端厚
自分曹洛汭貳尹三川澹於趨進之途鬱彼靜專之澤晦
跡而囂浮自遠長鳴而風雨不渝是用徵還首曹榮以題
柱必能佐持衡之重任聯藻鑑之清輝勉服官常無孤所
舉可依前件

司封郎中

授王丘主爵郎中等制

蘇頌

勅宣義郎守尚書考功員外郎王丘學思文華精而典麗
朝議郎守侍御史內供奉判右司員外郎上柱國常虛心
神清氣勝敏以甄通或刈於楚翹光有司之課績或提其
綱轄肅諸曹之填委一作靡爰旌二妙宜叶再遷丘可守尚
書主爵郎中虛心可守右司郎中散官勲如故

授常儼

總目作儼

司封郎中制

賈至

勅司駕員外郎常儼忠義激切智深謀敏懷斷割之利用
慨國家之深儲淮海多虞寇戎未殄是擇才彥佐斯旄鉞
宜兼臺閣以楸勲庸可司封郎中充淮南行軍司馬兼召
募使

司勳郎中

授常博司勳郎中等制

崔嘏

勅常博等頃以邊城命將肇建麾幢當警塵未息之時及
燿火尚明之日故於粉署妙選星郎欲以贊克國屯田之
謀佐武賢備戎之術旣而賓筵有曜幕畫居多荐居於沙
漠之中芟舍於戎旌之下亦旣勞績亟更歲寒念其襄革
之誠更復握蘭之美而渙本以文學博之吏能克踐正途
久司宗柘今以三農務急一作重九扈才難宜遷丞副之榮

用陟亞卿之列無忘素履各服新恩可

考功郎中

授裴諝考功郎中制

賈至

勅君子立義為勇在國而能通故全其節而成其務矣守太子中允裴諝言忠信行篤敬有敏才斯可其權有直道磨而不磷造次顛沛秉心塞淵且其獎固之風緝臺閣之政可守考功郎中

授鄭丞考功郎中馮宿刑部郎中等制

元稹

勅二帝三王之所以任聲無窮績用明而刑罰當也尚書郎專是兩者疇將若予僉曰前國子博士充吏館脩撰鄭丞文無害可以彰善惡守欽州刺史馮宿思無邪可以盡哀敬庶尹百吏之能否四海九州之性命用汝參斷汝其戒之夫刻則害善放則利淫僻則不通流則自撓惟是四

者時考之難亟則失情緩則留獄深則礙恕縱則生姦惟是四者時刑之難八者不亂然後可以有志於理矣朕實集作所注意爾其盡心丞可考功郎中宿可刑部郎中餘並如故

授趙昌翰考功郎中制

錢珣

勅具官趙昌翰國之舊彰擊會府者僅什六七坐曹郎見墜不舉馬用官為而善最之法所墜尤重非精材疆力安能舉一作之昌翰以名家子實自脩整為縣罷去脩然自安公卿有知己之門車馬無致身之跡善養材用益聞精彊是以考績處之且欲明試於爾意擇名曹置名士吾不知設官之始獨為人乎如或深思必將召寵可依前件

戶部郎中

授李邕戶部郎中制

蘇頌

黃門朝散大夫守江州別駕李邕探學精奧為文沉鬱審
諤之心動必無撓彌綸之用行則有坦故以高才逸羣懿
聲滿聽宜膺板圖之任允光蘭握之選可守尚書戶部郎
中散官如故主者施行

授李規戶部郎中制

常衮

勅朝議郎前檢校尚書戶部郎中兼侍御史賜緋魚袋李
規志學純備居有彛檢才理精達勳無滯用嘗執邦憲兼
毗使軒處煩行簡從容濟務叅我地官之屬首於時俊之
科亦既外除允彰內行正明舊秩以寵迴翔可守尚書戶
部郎中散官賜如故

授高允恭戶部郎中判度支案制 元稹

勅行刑部員外郎飛騎尉高允恭書云明德慎罰明猶慎
之況朕不德茲用省于有司之獄莫不伏念慝悼周知其

情惟爾允恭告我詳集作祥剛罔不率協稽爾明効陟干他

曹大比生齒之書仍掌祈毫之牘戎車方駕物力未豐剖
滯應期斯任不細推爾惟恡之意罔或失財用爾無害之文
以懲刻不恡不欲過過則不終文不欲繁繁則不逮率是
二集作者時惟厥中可戶部郎中判度支案散官勳如故
度支郎中

授裴倩度支郎中制 常衮

勅朝議大夫前守饒州刺史嗣正平縣開國男賜紫金魚
袋裴倩達識含精長才致遠秉彛向晦金僕自明當劇居
難干將獨割周歷臺閣綢繆藩鎮休聲異政亦克有終底
慎財賦之殷校計軍國一作需之用得專其任爰舉舊章佇
爾發揮以之贍濟可尚書度支郎中散官封賜如故

金部郎中

授蔡秦客金部郎中制

蘇頌

黃門正議大夫行尚書右司員外郎上柱國蔡秦客風格
允一作敏正文詞優洽明以在公直而履道聲馳粉署爰提建
禮之綱位惣金曹宜轉司徒之屬可行尚書金部郎中散
官勲如故主者施行

倉部郎中

擬倉部郎中制

劉禹錫

勅周制食人以辦於邦用稟人以待乎匪頒後代或均輸
或平糴皆周官倉廩之職也於戲王者藏於天下吾何私
焉收斂以時儲蓄必謹俾夫凶荒無患貧富克均宜詠京
坻之詩勿守豆區之限可

禮部郎中

授彭景直禮部郎中制

蘇頌

黃門正議大夫檢校尚書禮部郎中上柱國彭景直通理
內融含暉外靜文尚典雅學窮精博故能容臺是則仙闈
咸推俾即真於滿歲更惟允於卿月可行尚書禮部郎中
散官勲如故主者施行

授程休文文部郎中制

賈至

勅司封郎中程休文郎中應列宿之位御史為準繩之舉
紀必以德任難其人況於四海多虞兩京未復臺省樞要
非賢不居或以節推或才擇可守文部郎中

祠部郎中

授王興祠部郎中兼侍御史制 前人

勅知上黨司馬事王興藏器於身策名清列多才多藝知
微知章歷茲艱難屢有籌畫宜兼臺省之任仍摠師戎之
後可祠部郎中兼侍御史充招召權宜處置使

主客郎中

授主客郎中制

劉禹錫

勅漢制尚書郎四人一人主營部成帝又署客曹主外國
戎狄事皆令主客之任也其後或東西列職左右分名統
彼行人之家緩其外臣之務朝聘則定位宴會則辦儀穆
我四門深干九譯用委藁街之政克資粉署之賢可

膳部郎中

授鄭博雅膳部郎中制

蘇頌

黃門中大夫檢校太子洗馬鄭博雅志業融暢襟靈閑遠
備聞前言嘗習故事來遊博望既增清道之華入奏明光
宜副丹墀之寵可行尚書膳部郎中散官如故主者施行
文苑英華卷第三百八十九

登仕郎胡柯

鄉貢進士彭叔夏

校正

文苑英華卷第三百九十

中書制誥十一

南省六

兵部郎中

授李懷讓兵部侍郎制

蘇頌

黃門朝議大夫行大理正上柱國李懷讓直方在心一作清
而轉勁通明應務吏必兼文故能譽滿簪纓望華臺署鸚
鳩作士雖參聽棘之言司馬訓兵重踐握蘭之一作可行尚書
兵部郎中散官勳如故主者施行

授李暉兵部郎中等制

孫逖

勅朝議大夫二字一作郎行兵部員外郎李暉等清才雅器人望
時英咸以今名光于俊選自膺推擇久効彌綸宜甄滿歲
之勤俾進為郎之秩可依前件

授張顥兵部郎中丘據兵部員外郎制賈至

門下上應列宿尚書郎所以稱美也中持風憲侍御史所以推雄也况兼之藩翰加以師族宜求全一作才允迪厥職澤州刺史張顥有一作貞固之資為幹時之器澤路司馬殿中侍御史丘據秉溫良之質多利物之才咸提綱憲府佐理戎幕以示脩直展其謀猷必將大耕戰之圖弘臺閣之務武加新秩俾脩舊政顥可守兵部郎中懷州刺史據可兵部員外郎依前行軍司馬

授邵說兵部郎中制

常袞

勅宣德郎前守尚書司勳郎中賜緋魚袋邵說學政其道文達其變沉靜有用貞純秉彝藹然盛名光我華省長於奏議多所損益佐夏官之劇叅戎事之殷膺此俊選佇揚休問可守尚書兵部郎中散官如故

授李深兵部郎中制

前人

勅朝議郎守衢州刺史賜紫金魚袋李深忠義之門懋昭前烈文儒之道弘著休問經通以濟於用廉介以約其心早擅吏能備更官序藩條之重理行尤彰亦既休閑頗聞淹久宜膺郎署之選式允公才之拜可守尚書兵部郎中散官賜如故

授蕭祐兵部郎中制

元稹

勅兵部郎中佐夏官理邦國以平不若辨九法九伐之重輕稽五兵五楮之重寡非踐更臺閣崇榮問望者不在茲位流品既清選任殫重朝議郎守尚書考工郎中上護軍賜緋魚袋蕭祐才行忠信達于予聞課吏陟明誕若攸職拾青紫於儒術擅金石之揮毫允謂賢能宜當慰薦可守尚書兵部郎中散官勳賜如故

授揚嗣復兵部郎中制

前人

勅吏部郎中楊嗣復官天下之文武重事也兵部郎中二員一在侍從不居外省旁求其一頗甚難之而執事者皆日近以文章詞賦之士為名輩由此者坐至公卿閑達憲章用是稀少而魏曹郎嗣復州里秀異議論宏博宜其所長自多然而操剝吏事細大無遺用副簡求允謂宜稱爾其試守茲任為予簡稽苟能脩明旋議超陟可摧知尚書兵部郎中餘如故

授相者兵部郎中等制

李虞仲

勅夏官之屬以九法平簡稽司寇之列以三典詰邦禁選用郎吏斯為重難朝議郎前使持節婺州刺史上柱國騎都尉賜紫金魚袋相者勁正誠明富以材識揚聲禮閣直筆諫垣徵事郎使持節蘄州諸軍事守蘄州刺史驍騎尉賜緋魚袋狄蕪暮舊德在人文風擅價興起憲署勞徠疲

毗有以退自安遇事而後發有以昭融美稱非道而莫遷顧茲缺員宜乎並拜懋承寵擢以奉稱綸者可守尚書兵部郎中散官勳賜如故蕪暮可守尚書司門郎中散官勳賜如故

授王正雅等兵部郎中制

前人

勅朝議郎守尚書戶部郎中蕪侍御史知雜事上輕車都尉賜緋魚袋王正雅朝議郎守尚書戶部郎中上柱國賜紫金魚袋豆盧曙等御史府紀綱中外事雜而繁故常以侍御史一人綜其庶務政無大小罔不閑決繇是得衆舉中臺郎之可者以蕪領馬既而第其諫績以勸能吏陟明者必載遷於省閣當選者復繼入於憲闈此其可以為重也爾等皆以簡愿端明修詞踐行發強可以守直開敏可以適中嘗遊刃於京邑亦坐籌於戎閫臺閣之上聲華益

高贊均輸於財征表明慎於郵罰分曹左右其用惟新是
宜舉武部之雄以獎成績授都曹之重以勵兼才佇觀稱
服之能式副有司之請正雅可守右司郎中兼侍御史知
雜事散官賜如故豆盧曙可

職方郎中

授杜集作源寂職方郎中制

常衮

勅朝議郎守尚書度支郎中賜緋魚袋杜寂端一其誠周
通於事久於膳部頗有敏才亦既詳達不忘恭慎掌我方
志宜從序遷可守尚書職方郎中散官賜如故

駕部郎中

授常翹司駕部郎中制

前人

門下武部員外郎常翹貞固幹事達理明權績惟著於在
公才必聞於處劇逸遷郎署俾膺榮寵可為司駕郎中

庫部郎中

授衢州刺史鄭羣庫部郎中齊州刺史張士階

祠部郎中制

白居易

勅具官鄭羣等今之正郎班望頗重中外要職多繇是遷
故其所選不得不慎必循名實而後命之羣與士階久典
名郡謹身化下有循吏之風會課陟明宜當是選國之大
事在祀及集作與戎一掌祠曹一司武庫各須集作領其要爾宜敬
之群可庫部郎中士階可祠部郎中

授杜致美太常少卿揚杜庫部郎中制 薛廷珪

勅朕以至公掄才時政用乂周行進秩公論惟人如聞右
司郎中杜致美以吾上台寔爾猶子深自抑損不求聞達
隱几端居不言時事閉閣却掃深味道腴夫何山濤魏舒
校爾優劣而戶部員外郎揚杜始以籍甚之稱洽于名揚

歷聘侯藩亟踐臺省彊學務本履正居中夫何顏駟揚雄
侔爾專靜奉常典樂建禮舍香狗爾清閑明我搜選克敬
乃事交脩厥官各謂當才無忝並命可依前件

刑部郎中

授許季同刑部郎中杜羔戶部郎中制 白居易

勅前長安縣令許季同前萬年縣令杜羔等頃自郎署分
宰京邑而長吏待之小乖常禮雖同辭託疾一作動未得中
然遠耻以退道不失正各徒免職亦既踰時况文行政能
皆推於衆詢諸時議宜有遷授尚書郎缺方選才良憲部人
曹俾膺並命季同可刑部郎中羔可戶部郎中

都官郎中

授高仲舒都官郎中制

蘇頌

黃門通議大夫行太子洗馬高仲舒洽聞殫見履直居溫

士慕清暉人推至行崇賢企德已膺洗馬之榮建禮求才
宜拜乘鳧之寵可行尚書都官郎中散官如故王者施行
授劉崇彝都官郎中制 薛廷珪

勅具官劉崇彝朕聽政之暇耽翫羣書每讀考盤之詩常
軫遺逸之慮訪於輿論得爾崇彝聞其常抱業試于有司
才優數竒十上不弟言行脩整文學該通儒雅之聲著於
洛下而以爾令弟秉予大鈞鴻飛冥冥不近賢路從軍試
吏亦日彊名苟徇爾私其如公議是用陟居華省寵以郎
曹典制六官之重伏奏青蒲之上疇爾夙志予恩不輕凡
百未申宜體朕樂善興能之意無患於不知也可

比部郎中

授比部郎中制

劉禹錫

勅周以司會質歲成漢以計相經國用或考百官之要或

制三年之期稽以簿書辦其名物俾夫會筭必得經費無
差克選望郎以臨計吏可

司門郎中

授柳渙司門郎中制

蘇頌

勅議郎前行左司員外郎柳渙色莊心勁瞻學能文堅守
憲章務從條理為時所重滿歲當遷宜罷臺轄更司門鍵
可守尚書司門郎中散官如故

工部郎中

授京畿制置使判官兼中丞賜紫李巨川可守

工部郎中制

錢翊

勅具官李巨川夫彊學者始自為己移於事人君 齊美
儒先登志士之場優入羣書之域中權之佐前著實高多
務講論直歸冀戴爾所自比我能知之推共獎王室之心

慕不以兵車之力文翰之樂迅捷若飛雖寵者已頌而作
者甚暇陪臣盡譽賢師咸稱上既策勳下難遺賞且升郎
位如事所知理在庶官勉興墜典常聞好古當念陟明可
依前件

屯田郎中

授屯田郎中制

劉禹錫

勅詩云雨我公田遂及我私蓋美大田之盛思賢主之詩
人必先公而後私者借力而耕其耒尚矣周以司徒蒞職
漢以侍郎訓田今則務切如雲任專列宿摠于豫疑政克藉
公才可

虞部郎中

授王踐睦虞部郎中制

蘇頌

黃門中散大夫檢校太子左贊善大夫王踐睦明敏練習

雍容閑雅聲馳在公政曉為吏往還臺閣已斗於初從今
掌衡虞俾光於重入可行尚書虞部郎中散官如故主者
施行

授李翱虞部郎中制

白居易

勅金州刺史李翱雅有文藝飾以政事早從吏職久領郡
符謹慎廉平頗副所任虞曹郎缺命以序遷敬茲寵名勉
守厥位可尚書虞部郎中

水部郎中

授河中節度判官溫緒水部郎中制

薛廷珪

勅天子省方藩后述職睦隣事大允執厥中偃革崇儒行
成於內我知之矣彼有人焉具官溫緒懿祖考為朝廷大臣
儒望威名皆烜赫信史而爾砥節礪行脩詞立誠抱終身
之憂脫屣科第仗四方之志服勤官途束帶公朝曳裾

侯府又有餘地人無間言朕以曩結萑

胡官切

蒲兵纏封域藏

書之府煨燼罕存爰委藩宣為我採摭而爾能奉綸旨來
貢之書歆先王之格言廣我視聽思列聖人之行事規我
怠荒實嘉乃心斯驗夙志爾師具舉予懋遷昇之文昌
以清署用酬稱職以勸事人凡百賓階無忘幕畫可尚書
水部郎中

文苑英華卷第三百九十

登仕郎胡柯

鄉貢進士彭叔夏

校正

